

Jesús - Chontal

LATAIQUI' LINIŁPA SAN MARCOS LOYA'APA IŁE AL C'A LIXPIC'EPA ŁANDIOS

1.1 Fa'a tipa'a liniłiya lixpice'epa ŁanDios. IŁe lataiqui' ac'a loya'apa, tipalaijma Jesucristo, iłque hi'Hua ŁanDios. Cu'i'molhuo' te ts'i'ic' lipangopa luya'ampá iŁe lataiqui'.

1.2 Jiłpe lije'e cal profeta Isaías iniłijmpa lo'iya. IŁe liniłpa tuya'e' te ts'i'ic' linespa ŁanDios, ticua: iAłquimfela'! Iya' cumme'ma łainepaluc, iłque ticuaita ate'a, tilanc'e'eto' lopene.

1.3 Pe ailopa'a quiłya' iłque tuya'ata, tu'itola' lan xanuc' lafot'leyacołtsi, tu'itola': "ToŁanc'e'ete lipene łalPoujna. To'e'ete ałijca lane pe loyaicoya."

1.4 Licuaiyunni Juan Bautista enanłpa iŁe lataiqui'. Małque Juan epaluc ŁanDios łipalaicopa Isaías. Icuaitsi Juan al pana' Jordán pe ailopa'a quiłya'. Jiłpe tepo'iyale. Tu'ila' tixhuj'menanca lo'epa lixcay. TepoliŁe. ŁanDios tiłonc'e'e'mola' liłjunac'.

1.5 Lan xanuc' ni petsi lomana' al distrito Judea, jouc'a jahuay lan xanuc' nomana' liłya' Jerusalén, ipalunca hiłpiłelołya', iye'me, icuaitsa pe lopa'a Juan. Uya'a'me li'epa lixcay. Ticuayi: "Ałsuej'menammas". Juan epo'i'mola' al pana' Jordán.

1.6 Iłque Juan lipijahua' ipufcompa ipimij camello. Lifi'ejma ixmi. Łitejua' łotepa axa'muł y acujua c'ec.

1.7 Tuya'e', tu'ila':

—Iya' aicuai'ma ate'a. Tijouła' ticuaihuo ocuena xonca acueca'. Iya' aimał'onspa to iłque, caxina alaic'ata, aimi'iya cuhualc'eya lic'ej'.

1.8 Iya' capo'icolhuo' aja', iłque ticuaiyunni tepo'ico'molhuo' cal Espíritu Santo.

1.9 IŁne łitiné Jesús ipanni al distrito Galilea, jiłpe liłya' Nazaret. Icuaitsi al pana' Jordán jiłpe Juan epo'i'ma.

1.10 Lipanni Jesús laja', ixim'ma eximma lema'a, ixim'ma cal Espíritu Santo ti'onłcospa to cal fujca ja'mu', imunni, icuaitsi pe lacaxu, ihuoxaf'caitsi.

1.11 Jesús icuej'ma jiłpe lema'a tipalay, timi:

—Ima' mai'Hua, ca'ehuo' capic'a juaiconapa. Latenłma łopicuejma' jouc'a lo'ejma'.

1.12 Lijou'ma aikuicoł'ma, cal Espíritu Santo i'hua'a'ma Jesús, icuaitsi pe ailopa'a quiłya'.

1.13 Jiłpiya ipajntsi oquej nuxans quitine pe lomana' lan ximalo quinnejja. Łonta'a Satanás ehui'ma. Icuaitsa lapaluc' quema'a, itoc'i'me.

1.14 Lijoupa litats'empa Juan Bautista, Jesús ipanni al distrito Judea. I'hua'ma al distrito Galilea. Jiłpe tuya'e' lixpice'epa ŁanDios, iŁe lataiqui' ac'a loya'apa.

1.15 Tu'ila' lan xanuc':

—Fa'a li'a łamats' ŁanDios cal Cuecaj Rey ticuxela' lixanuc'. Tołsuej'menca. Tolapenufle Lataiqui' loya'apa iŁe al c'a lixpice'epa ŁanDios.

1.16 Anuli litine Jesús ti'hua łema al cuecaj quin'nuhua' cułtine Galilea. Ixim'mola' Simón jouc'a Andrés, iłque ipima Simón. IŁne lapimaye in'nołpá catuye, tecajm'miyi hiłxami łaja.

1.17 Jesús timila':

—iLihuejla'! Capi'i'molhuo' ocuena cołpenic'. Aimolahueconayacola' latuye. Tolahuetola' lan xanuc' lihuejla'.

1.18 Aits'icoł'mola'. Simón jouc'a Andrés ipo'no'me hiłxami. Ihuej'me Jesús.

1.19 Iye'me nihuata, Jesús ixim'mola' Jacobo i'hua Zebedeo, jouc'a Juan, iñque ipima Jacobo. Ìhne ticusc'olanna al barco, tipufmot'leyi Ìtxami.

1.20 Aiquico'lma, Jesús ijoc'i'mola'. Ìhniya ipo'nom'mola' Zebedeo qui'ailli' jouc'a no'epá canic' imanenca al barco. Ihuej'me Jesús.

1.21 Iye'me liña' Capernaum. Litine conxajya i'hua'ma Jesús lajut'ł pe lafołyomma. Jiłpiya imuc'i'mola' lan xanuc'.

1.22 Ìhne lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' iñque litaiqui'. Lałpomxiye nomuc'iyalepá locuxepa ÌanDios, Ìhne aimi'onłspola' to Jesús.

1.23 Jiłpiya pe lafołyomma tipa'a anuli cal xans Ìitsufaipa conta'a. Cal xans ija'a'ma ujfxi.

1.24 Timi:

—Ìma' conJesús mas Nazaret, ¿te cofepa? ¿Te cotsufaicomma ima' fa'a pe lałmana'? ¿Te aga ocuai'ma fa'a ma le'a aljou'ne'monga'? Iya' nimetsaicohuo'. Ima' umPaxi, o'huayomma ÌanDios.

1.25 Jesús itale'ma, timi:

—ÌTi-ch'ixcotso'! ÌTaipanni Ìlca'a cal xans!

1.26 Ìonta'a ife'ne'ma ujfxi cal xans, ija'a'ma ujfxi, ipananni.

1.27 Lan xanuc' nomana' jiłpe lajut'ł ixim'me acueca' li'ipa. Icuis'e'moltsi, timiyoltsi:

—¿Te jale Ìlta'a lataiqui'? Hca'a Jesús ituca' lomuc'iyalepa. Icueya limane, jouc'a lontahue ticuxela', Ìhne ticuec'eyi.

1.28 Aiquico'lma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

1.29 Jesús jouc'a ts'ìlihuequi, Ìhniya Simón, Andrés, Jacobo y Juan, ipalunca lajut'ł pe lafołyomma, iye'me lilejut'ł Simón y Andrés.

1.30 Ìi'maco Simón tunouya textafque. Tepi'i quipinu'. Aiquico'lma, u'i'me Jesús textafque Ìaca'no'.

1.31 Jesús Ìloc'huai'ma pe lopa'a Ìaxtafpa. Ìnoł'e'ma limane. Icutsu'ma Ìafcuana. Ìhojn-na'ma lipinu'. Ìxałcona'ma. Ìtsahuenanni, ites'mi'mola'.

1.32 He litine joupa if'acolaipa i'ipa ipuqui', lan xanuc' Ìltaic' lilefcuallay, jouc'a Ìitsufłaiyila' contahue.

1.33 Jahuay lan xanuc' nomana' liña' icuaiyunca, efołunni lico lajut'ł.

1.34 Jesús Ìxałmena'mola' axpela' lan xanuc', axpej cuana. Jouc'a icuxe'mola' lontahue tipalnanca lan xanuc'. Lontahue imetsaico'me Jesús. Ìñque ticua: “Lontahue aimuya'acona'me”. Tołiya i-ch'ixc'e'mola'.

1.35 Icuaitsi Ìlihic'ejma ma' aquipuqui', Jesús Ìtsahuenni, ipanni liña', i'hua'ma petsi ailopa'a quiña'. Jiłpe ipalaic'o'ma ÌanDios.

1.36 Simón jouc'a lilejmale ehue'me Jesús.

1.37 Ixim'me, timiyi:

—Lan xanuc' tehuehuo'.

1.38 Jesús timila':

—Ìepá. Ìepá Ìaiquiñeloña' lan huejnca lomana'. Ticuicomma cu'itsola' jouc'a Ìhniya Lataiqui' loya'apa Ìle al c'a lixpice'pa ÌanDios.

1.39 Ti'huaf'cay jahuay al distrito Galilea, lajut'li pe lafołyomma lan xanuc', jiłpe tu'iyale Ìle Lataiqui'. Tipa'e'ela' lan xanuc' liłpontahue.

1.40 Anuli litine icuaitsi pe lopa'a Jesús anuli cal xans iteca cahuí, Ìle al cuana cuftine al lepra. Ìñque exc'onłngai'ma. Tixahue'e, timi:

—Ja'ni ima' opic'a, nipajnya Ìalsa'mena'ma laicuana. Ałinla' limpio.

1.41 Jesús ixim'ma acuanuc' Ìafcuana. Ìnij'ma limane. Ixpayaf'ma, timi:

—Ne', aipic'a. Iya' caxałme'mo'. ÌTixałcontso'! ÌTi'intso' limpio!

1.42 Aiquicoŀma, iŀojn-na'ma lehui, ixaŀcona'ma.

1.43 Aiquicoŀma, Jesús ixc'ai'i'ma,

1.44 timi:

—Aimo'itola' lan xanuc' ile lai'e'epo'. Aimo'you'te'ma. Nij naitsi nocuejya. To'huanŀa', tomujxoxi pu'hua ŀa'ailli'. Totsufcota ŀanDios to Moisés licuxe'epola' ts'iŀhepra, ilne joupa i'ina'polo' limpio. Toŀta'a aŀsim'monga' lihuejcoyi ile litaiqui' Moisés.

1.45 Iŀque ixaŀconapa i'hua'ma, ipango'ma uya'a'ma li'e'epa Jesús. Toŀta'a Jesús aimi'iya mitsufaiya ŀileloŀya'. Tipanemma petsi ailopa'a quiŀya'. Lan xanuc' quiyoyomma ni petsi ŀileloŀya', tiŀcuaiyumma pe lopa'a Jesús.

2.1 Lijoupa luyaipa oquej fanej quitine, Jesús ipainanni, itsufaicona'ma liŀya' Capernaum. Lan xanuc' icuej'me Jesús tipa'a lajut'ŀ.

2.2 Aiquicoŀma icuaiyunca axpela' lan xanuc', efo'te'moŀtsi. Imantsi lajut'ŀ jouc'a lico cajut'ŀ. Jesús tu'ila' Lataiqui' loya'apa ile al c'a lixpice'epa ŀanDios.

2.3 Ocuenaye lan xanuc' icuaiyunca jiŀpe luna. Amalujxi iŀniya iŀtaic' anuli ŀuhuaqueya xans.

2.4 Ipa'ne'mola' lefoŀya, aimi'iya muyalaicoyacu, micuaiyacu pe lopa'a Jesús. If'ajli'me lajut'ŀ, enai'e'me luhua'e lajut'ŀ jiŀpe al toncay pe lacaxu Jesús. Maŀpiya ecajm'mi'me cal xans ŀonafya ŀihuijm-ma', ipo'ningaitsi li'mitsi' Jesús.

2.5 Jesús ixim'mola' iŀniya ti'huaiyijnyi, ticuayi: “Tixaŀmena'ma”. Timi ŀuhuaqueya:

—Mai'hua, joupa iŀojn-napa lojunac'.

2.6 Ticutshuoŀanna jiŀpiya hualca lomxiye nomuc'iyalepá locuxepa ŀanDios. Iŀniya ticuayi liŀpicuejma':

2.7 “Iŀque cal xans, ¿te conescopa toŀta'a? Ma le'a quituca' ŀanDios nipajnya tiŀonc'e'e'mola' liŀjunac' lan xanuc'. Iŀque ti'onŀicoyoxi to ŀanDios.”

2.8 Jesús aiquicoŀma i'i'ma quixina' te lonespa lan xanuc'. Timila':

—Imanc', ¿te conescopa toŀta'a loŀpicuejma'?

2.9 ¿Pe copa'a xonca lipime? ¿Te cataiqui' caifmiya ŀafcuana? ¿Camila': “Lojunac' joupa iŀojn-napa”, o camila': “Totsahuenanni, tonif'naŀa' ŀohuijm-ma', to'huanŀa'”?

2.10 Itsiya camuc'i'molhuo' icueya laimane. Iya' iŀque cal Xans ŀiximpa cal profeta pu'hua lema'a. Ma capa'a fa'a li'a ŀamats' ti'i'ma quimenc'e'eco'mola' liŀjunac' lan xanuc'.

Ipalaic'o'ma ŀuhuaqueya, timi:

2.11 —Iya' camihuo', totsahuenanni, tonif'naŀa' ŀohuijm-ma', to'huanŀa' lomejut'ŀ.

2.12 ŀuhuaqueya aiquicoŀma itsahuenanni, inif'ma ŀihuijm-ma'. Mehuelojnyi lan xanuc', ixim'me ipanni, i'huana'ma. Ixpailij'mola', tinesyi:

—Acueca' juaiconapa li'epa ŀanDios. Toŀta'a li'ipa aicalsina', ni anulemma.

2.13 I'huacona'ma Jesús ŀema al cuecaj quin'nuhua'. Jahuay lan xanuc' iye'me pe lopa'a. Timuc'ila'.

2.14 Lijoupa limuc'iyalepa, ti'hua tuyaipa, ixim'ma anuli cal xans cuftine Leví, i'hua Alfeo. Iŀque Leví ticutsu petsi lo'najts'i'iyaleyompa. Jesús timi:

—Lihuejla'.

Leví itsahuenni, ihuej'ma Jesús.

2.15 Jesús jouc'a ts'ilihuequi icuaitsa lejut'ŀ Leví, ticutshuoŀanna, titetsoyi. Titetsoyi jouc'a axpela' lin'najts'i'iyale jouc'a ocuenaye lan xanuc'. Jahuay iŀniya a'i mihuejyi locuxepa ŀanDios. Axpela' iŀniya tihuejyi Jesús.

2.16 Lomxiye nomuc'iyalepá locuxepa ŀanDios jouc'a lan xanuc' fariseo ehuelojm'me Jesús titetsoyi anuli lin'najts'i'iyale y locuenaye lan xanuc'. Imetsaiconnila' ilne aimihuejyi locuxepa ŀanDios.

Timinnila' ts'ilihuequi Jesús:

—Toŀsinŀe, loŀpomxi titetsoyi anuli lin'najts'i'iyale y locuenaye lan xanuc'. Jahuay iŀniya aimihuejyi

locuxepa ÆanDios.

2.17 Jesús icuej'ma lonespa ihniya. Timila':

—Lan xanuc' ja'ni a'i mextafquila' aimicuicomma mi'e'enyacola' cafxi. Lafcuallay linca ticuicomma no'eyacola' cafxi. Iya' aicuaicoco'ma cajoc'i'mola' ts'iljunac'. Aicajoc'iyacola' petsi ailopa'a quijunac'.

2.18 Anuli litine tixnet'lyi aimitetsoyi ts'ilihuequi Juan Bautista jouc'a lan xanuc' fariseo. Icuaita lan xanuc' pe lopa'a Jesús, timiyi:

—Ts'ilihuequi Juan jouc'a lan fariseo tixnet'lyi, aimitetsoyi. Ine lihuejhuo', ¿te aimixnet'lyi?

2.19 Jesús italai'e'e'mola', timila':

—Ma mipa'a lamijcano lamaneya, ¿te tixnet'l'me, aimitetsoyacu ts'ilejmale? A'i. Anuli miłmana' lamaneya, aimi'iyá mixnet'lyacu.

2.20 Ticuaihuo litine aimimajnconayacu anuli, ile litine linca tixnet'l'me.

2.21 'Al ts'e quijahua' aimi'iyá manajmot'ficoya lafane quijahua'. Ja'ni tołta'a to'ela', al ts'e quijahua' tetehuo, tijoula' lafane quijahua' tits'alquehuo xonca.

2.22 Aimoc'ej'miya al ts'e vino petsi lafanej punta quixmi. Ja'ni to'etsi tołta'a, al punta quixmi tits'alquehuo, timinsco'ma al vino, timinsco'ma jouc'a al punta quixmi. Al ts'e vino tic'ej'minni al ts'e punta quixmi.

2.23 Anuli litine conxajya, Jesús jouc'a ts'ilihuequi tuyalaicoyi nolojmay cal trigo. Muyaalaicoyi, ts'ilihuequi ipango'me ipa'a'me lixpaj trigo.

2.24 Lam fariseo timiyi Jesús:

—iToxintsola' lihuejhuo'! Itsiya itine conxajya. Ailopa'a lane mi'eyacu tołta'a.

2.25 Jesús timila':

—Imanc', ¿te a'i colsuec' liniliya loya'apa li'epa cal rey David? Icuaita litine unle'enca itque jouc'a lilejmale, ailopa'a cotejacu.

2.26 David itsufai'ma lejut'l ÆanDios. Jiłpe tipa'a lam paxi ca'í. Ine la'í tipa'a lane tite'me ma le'a la'aillí, a'i lan xanuc'. David ite'ma jouc'a epi'i'mola' lilejmale, ite'me. Tołta'a i'ipa mipa'a Abiatar cal cuecaj ca'ailli'.

2.27 Jesús ti'hua tipalaic'ola' lan xanuc', timila':

—ÆanDios ate'a ilanc'epa cal xans, lijou'ma enaj'ma litine tunxajla' cal xans. A'i quenaqui litine ate'a.

2.28 Iya' itque cal Xans Æiximpa cal profeta pu'hua lema'a. Iya' cacuxe'ela' laixanuc' te lo'eyacu ile litine conxajya.

3.1 Ocuena quitine conxajya, Jesús itsufaicona'ma lajut'l petsi lafoiyomma lan xanuc'. Jiłpe tipa'a anuli cal xans ijułpa limane.

3.2 Lam fariseo tehuelojnyi Jesús. Ti'huilaic'oyi ja'ni tixał'me'ma cal xans ile litine conxajya. Tehueyi te co'iyá micuxecoyacu.

3.3 Jesús ipalaic'o'ma cal xans, itque ts'ijuł quimane. Timi:

—To'huanni fa'a. Tacaxla', tahuoc'ocotsola' lan xanuc'.

3.4 Icuise'mola' lam fariseo, timila':

—Lu'ila', litine conxajya, ¿te lapi'inga' lane ał'ete al c'a? O ¿ałcuxe'enga' ał'ete lixcay? ¿Nipajnya lunłu'e'me lipitine cal xans o ałma'a'me?

Ihniya aiquiltalai'e. Ch'ix le'a.

3.5 Jesús ehuelojm'mola' ine lam fariseo. Tixtuc'ola'. Tixhuelma, ixina' ihniya joupá ipo'nopá liłpicuejma', aiquilcueca.

Jesús timi cal xans:

—To'nijla' lomane.

Cal xans i'nij'ma limane. Ixałcona'ma.

3.6 Lam fariseo aikuicołmola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

3.7 Jesús i'hua'na'ma. Hque jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyouyomma al distrito Galilea.

3.8 Lan xanuc' ni petsi lomana' icuej'me al cueca' lo'epa Jesús. Icuej'me ihne nomana' al distrito Judea jouc'a nomana' al cuecaj quiłya' Jerusalén, jouc'a nomana' łamats' Idumea, jouc'a nomana' łuhua quiyay al pana' Jordán, jouc'a nomana' hilemats' hilełołya' Tiro y Sidón. Axpela' ihniya icuaiyunca pe lopa'a Jesús.

3.9 Lixim'mola' axpela' quefołya Jesús icuxe'e'mola' ts'ilihuequi ti'hua'anca anuli al barco, tipo'note łema al cuecaj quin'nuhua'. Ja'ni lan xanuc' tipango'me titantsi'me Jesús, ihque titsufai'ma al barco.

3.10 Joupa axpela' ixałmepola', tołiya itsiya jahuay lafcualłay, axpej cuana, tummetsaiyołtsi, tiyełe ahuejnca Jesús, tilafle.

3.11 Lan xanuc' pe litsufaiyila' contahue, lixim'me Jesús, ecanghuołaitsa li'mitsi'. Lontahue tija'ayi, timiyi:

—Ima' i'Hua ŁanDios.

3.12 Jesús itale'mola' ujfxi. Timila':

—Aimunlu'itola' lan xanuc' tołta'a.

3.13 Lijou'ma ifaj'ma hıjuala. Joupa ixpic'epa naiłniya ts'ilihuequi tiyouyunca. Ijoc'i'mola'. Icuaitsa pe lopa'a.

3.14 Ihuijfe'mola' imbamaj coquexi' timajnle anuli. Tumme'mola' tuya'ata Lataiqui' loya'apa ile al c'a lixpice'epa ŁanDios.

3.15 Epi'i'mola' lihmane tipa'ata lontahue litsufaiyila' lan xanuc'.

3.16 Jifa'a tipa'a liłpuftine ihniya limbamaj coquexi':

Simón, łecui'impa Pedro,

3.17 Jacobo y Juan, inaxque' Zebedeo. Ihne loquexi' Jesús łecui'ipola' Boanerges.

Ih laftine locuajmaispa: Ihne noquimfepá, nocuec'epá lonespa ŁanDios.

3.18 Andrés y Felipe,

Bartolomé y Mateo,

Tomás y łocuena Jacobo, ihque i'hua Alfeo,

Tadeo y łocuena Simón, ihque łecui'impa cal cananeo,

3.19 jouc'a Judas Iscariote, ihque nocuya Jesús.

3.20 Jesús itsufaipa anuli lajut'ł. Efołłecona'mołtsi axpela' lan xanuc'. Jesús jouc'a ts'ilihuequi aici'i'ma quitetso'me.

3.21 Licuejpa lipimaye Jesús tołta'a li'ipa, ines'me: Jesús iminscopa lipicuejma'. Ipalunca, iye'me, tileconna Jesús.

3.22 Jiłpe pe lopa'a Jesús timana' hualca lomxiye nomuc'iyalepá locuxepa ŁanDios, quiyouyomma liłya' Jerusalén. Ihniya ticuayi:

—Jesús itsufaipa łonta'a cuftine Beelzebú. Hque nocuxepola' contahue epi'ipa limane Jesús tipa'atsola' lontahue.

3.23 Jesús ijoc'i'mola' ihniya lomxiye, timila':

—¿Te całtalai'e'eya imanc'? ¿Te aga łonta'a Satanás tihuescufma lipima conta'a?

Ti'hua tipalaic'ola'. I'onhcopa to lo'ipa. Timila':

3.24 —Ja'ni tenajtsołtsi lan xanuc' anuli al nación, ja'ni ti'etsołtsi oque', ile al nación tijou'ma lipujfxi.

3.25 Ja'ni lan xanuc' nomana' anuli lajut'ł tenajtsołtsi, ja'ni ti'etsołtsi oque', aimimajnconayacu anuli,

jiŋpe teca'nenamot̄si, ailopa'a co'eyacu.

3.26 Łonta'a Satanás ja'ni joup̄a ehuoc'huaipola' lifas contahue, itsiya co'a' aimi'hua limane.

3.27 'Ja'ni anuli cal xans ixpic'epa titsufaiła' lejut'ł ocuena cal xans juaiconapa ipujfxi, ja'ni ixpic'epa tiłonc'e'ela' h'huexi, iłque notsufaiya, ate'a tifi'ela' iłque cal xans ts'ipujfxi, tijouła' nipajnya titsufai'ma, tiłonc'e'eta h'huexi. Ja'ni aimifi'e, aimi'iya mitsufaiya lajut'ł, miłonc'e'eya h'huexi.

3.28 'Iya' camilhuo' al linca: Jahuay lo'epa o lonespa cal xans, ti'i'ma timenc'e'ecom'me.

3.29 Ma le'a ja'ni aimimetsaicoyi lo'epa cal Espiritu Santo, iłniya aimiłonc'e'enyacola' liłjunac'. Titai'me nulemma.

3.30 Tołta'a Jesús limipola' iłniya nonespá: “Jesús itsufaipa conta'a”.

3.31 Icuaiyunca qui'máma' jouc'a lipimaye Jesús. Ecxoł'me łuna. Iłjfi'me anuli cal xans tijoc'itsi Jesús.

3.32 Jesús ticusc'o nolojmay cajut'ł, timuc'iyale. Jiłpiya timana' axpela' lan xanuc' ticutshuołanna tiquimfeyi lomuc'ipola' Jesús. Timiyi:

—Co'máma' jouc'a lopimaye timana' łuna tehuehuo'.

3.33 Jesús timila':

—¿Nait̄si cai'máma'? ¿Naiłne caipimaye?

3.34 Ehuelojm'mola' lan xanuc' nocutshuołanna, ticua:

—iTokuejle! Jifa'a ticutshuołanna cai'máma' jouc'a laipimaye.

3.35 Pe naihuejcopa ŁanDios, iłquiya aipima xans, o aipima caca'no', o ai'máma'.

4.1 Mipa'a Jesús łema al cuecaj quin'nuhua', ipango'ma imuc'icona'mola' lan xanuc'. Efołunni juaiconapa axpela'. Jesús if'aj'ma anuli al barco. Icutshuai'ma jiłpiya. Al barco texpef'que. Lan xanuc' efołumma łema caja.

4.2 Juaiconapa imuc'i'mola' lan xanuc'. Ipalai'co'ma lo'epa ŁanDios fa'a li'a łamats'. I'onic'co'ma. Timila':

4.3 —Ałquimfela' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo.

4.4 Meca'ni lam fanuj trigo, oquej afane' lam fanu' ecangenni lane. Icuaiyunca lacałhui naiyulpá, itejn-na'me.

4.5 'Oquej afane' lam fanu' i'nif'cołaitsa łixmi capic, tipa'a ahuata łacamats'. Lam fanu' aiquicoł'mola' ila'mola'.

4.6 Lijou'ma ipammaiyunni cal 'ora, ĩnu' ipi'epola' lilapola' lam fanu'. Ijułnapola'. Aiquif'acaic' ĩme.

4.7 'Hualca lam fanu' itsuc'huaita jiłpe łitac'. Litoj'ma łitac', ejec'opola' laifa'. Aiquixpaj'ma.

4.8 'Ocuenaye lam fanu' etojmłaitsa cal c'a camats'. Ila'mola', itoj'mola', i'ipola' quixpa. Anuli łajfanu' ipammaitsi anuxans quimbama', ocuena cal fanu' ipammaitsi afanej nuxans, ocuena'ya ipammaitsi amaxnu.

4.9 Lijoupa luya'apa ĩle łitaiqui', Jesús timila':

—Nait̄si nocuejpa, ałquimfela' iya' łitaiqui'.

4.10 Lijoupa liyeyołnapá lan xanuc', imanenca Jesús jouc'a limbamaj coquexi' y locuenaye ts'ilihuequi. Iłniya ixa'hue'me Jesús, timiyi:

—Lu'itsonga', luhuałc'e'etsonga' ĩle lotaiqui'.

4.11 Jesús timila':

—ŁanDios epalc'o'ipolhuo' imanc' lołpicuejma', tołta'a tokuec'eyi lipime cataiqui'. ĩle łitaiqui' tuya'e' lo'ipa pet̄si lan xanuc' tihuejcoyi ŁanDios, iłque cal Cuecaj Rey. Ocuenaye lan xanuc' pet̄si aimihuejcoyi ŁanDios, ĩne ma le'a tiquimfeyi. ĩle łitaiqui' lo'onic'copa lo'epa ŁanDios ĩne lan xanuc' aimi'iya mihuałc'eyacu.

4.12 Tołta'a ti'ıla' to loya'apa al Paxi Linilĩngiya, ticua:

Ti'hua tehuelojnle, tijoula' aimixinyacu.

Ti'hua tiquimfete, tijoula' aimicuejyacu.

Ja'ni a'i tohta'a li'ejma' tixhuej'menacu, LanDios timenc'e'eco'mola' lixcay li'epá.

4.13 Jesús ti'hua tipalaic'ola', timila':

—Ja'ni aico'cueca ile laitaiqui' lai'onhico'pa lo'epa LanDios fa'a li'a lamats', ¿te co'ya mo'cuc'eyacu ja'ni ca'onhico'ma xonca lo'epa LanDios?

4.14 'Cal xans nofapa ti'onhico'pa to i'iquiya noya'apa litaiqui' LanDios.

4.15 Lamats' lane pe lecangeyonni lam fanu' ti'onhico'pa to lan xanuc' ihniya ma le'a tiquimfeyi litaiqui' LanDios. Aimico'ya lonta'a Satanás. Ticuaihuo, ti'onc'e'e'mola' lataiqui' lifayipa li'picuejma'.

4.16 'Laj huata lamats' lopa'a hixmi capic ti'onhico'pa to locuenaye lan xanuc' mi'quimfeyi litaiqui' LanDios tixoxi quileta tepenufyi.

4.17 He Lataiqui' aimifaiya li'picuejma', oquej fanej quitine tihuejcoyi. Ticuaitsi lixhuejma', o li'as xanuc' tixuc'ontsola' ihniya naihuejpa' litaiqui' LanDios, ilne aimico'lyacola', tenajna'mo'ltsi, aimihuejconayacu.

4.18 'Lamats' pe lopa'a litac' litsuc'huaita lam fanu' ti'onhico'pa to locuenaye lan xanuc' noquimfepá litaiqui' LanDios.

4.19 Ilne xonca tixhuej'mecoyi te co'ya muyalaiyacu lapajnya. Tifel'miyot'si, ticuayi: "Lulijle acuecaj ca'htomi. Tohta'a luyalaico'me al c'a." O tixhuej'mecoyi te co'ya mulijyacu xonca qui'huexi. Ma to hitac' ejec'opola' laifa', a'i quixpaj'ma, ma tole ilne lan xanuc' li'ipola'. Tama jounpa ifapa li'picuejma' litaiqui' LanDios, ti'hanemma tohta'a, tocomma a'i quilepenufi ile lataiqui'.

4.20 'Cal c'a camats' pe lifampa ti'onhico'pa to locuenaye lan xanuc' noquimfepá litaiqui' LanDios. Ilne tepenufyi ile lataiqui', tipammola'ispa li'pepajnya. Hualca ti'onhico'pa to lamats' petsi cal fanu' lipammaita anuxans quimbama', locuenaye petsi lipammaita afanej nuxans, locuenaye petsi lipammaita amaxnu.

4.21 Jouc'a timila':

—Imanc' molunai'i'me lo'pepalc'o', aimo'c'ommumijyacu alxpico'lma c'ec, ni aimo'nicoyacu licu'u hualfa. To'nofe'me pe lo'xu'epa.

4.22 Ticuaihuo litine ti'huá'jta lemiya, jouc'a ti'huá'jnata letemiquiya, tixinim'me.

4.23 'Nait'si nocuejpa, a'quimfeta' iya' laitaiqui'.

4.24 Ti'hua timuc'iyale, tu'ila':

—To'po'note cuenna laifmipolhuo': Imanc' ile lo'pic'ecopola' locuenaye, tohta'a ihniya tepi'icona'molhuo'. Xonca axpe' tepi'im'molhuo'.

4.25 Cal xans ts'i'hueca, xonca tepi'im'me. Locuena, ja'ni aiqui'hueca, texic'ena'me.

4.26 Jouc'a tu'ila':

—He li'ipa anuli cal xans leca'nipa lam fanuj trigo lamats', ti'onhico'pa to lo'ipa petsi LanDios cal Cuecaj Rey tijoc'ila' lan xanuc' tihuejle.

4.27 Lijounpa leca'nipa litrigo, cal xans ti'hua tuyaijma lapajnya. Lipuqui' tixmay, litine titsahuemma, lam fanu' tilá, titoqui laifa'. Cal xans aiquixina' te co'ipa mitoj'ma laifa'.

4.28 Lamats' quituca' timafi'i' laifa'. Ate'a titoqui, tijoula' tixpaqui, tijoula' tumfumma lixpa, titoqui lifanu'.

4.29 Lunta'amma lixpa cal xans ixina' jounpa icuai'ma litine tefot'leta cal trigo. Aimico'ya, tetejta.

4.30 Jouc'a tu'ila':

—¿Te ca'onhico'pacu lo'ipa petsi LanDios tijoc'ila' lan xanuc' timetsaicote, tihuejle i'que cal Cuecaj Rey?

¿Te ts'i'ic' ma'onhicoyacu?

4.31 'Lo'ipa jilpe ti'onhospa to lo'ipa cal fanu' sinapí. Mifam'me, i'huáqui tuquini hajfanu'. Petsi jahuary cal fanu' lofampa lamats', ailopa'a xonca caca'hua.

4.32 Lijoupa lifampa tila'ma, titoj'ma acueca' laifa'. Ailopa'a quitamqui mitoqui to itla'a lifampa. Limané itoqui, atsilá'. Laca'hui naiyulpá tunxajyoyi jilpe lipunxahua.

4.33 Ma to ima'a lataiquí tohta'a juaiconapa i'onhico'ma lo'epa fa'a li'a lamats' LanDios cal Cuecaj Rey. Lo'huajcocoyacola' lihpicejma' tohta'a timuc'ila' Jesús.

4.34 Ti'hua ti'onhijma ite lo'epa LanDios. Aimipalay acujajmaica. Jesús y ts'ilihuequi limanenca quihtuca', itque tuhuac'e'ela' lataiqui'.

4.35 Mahe litine joupa ifacolaipa timila' ts'ilihuequi:

—Aquefe al cuecaj quin'nuhua'.

4.36 Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefoya jilpiya, ifajli'me jouc'a al barco. Ipango'me iquie'me al cuecaj quin'nuhua'. Ocuenaye lam barco jouc'a tiquieyi.

4.37 Aiquico'ma, i'hua'ma ujfxi lahua'. Itsahuenni laja', ic'ejmaitsi caja', imantsi al barco.

4.38 Jesús tunouya lipo al barco. Tixmay, unafcaipa al punta quijahua'. Ts'ilihuequi ummef'me, timiyi:

—Momxi, ahma'a'monga' laja'. ¿Te aimasuetcoonga'?

4.39 Jesús itsahuenni, itale'ma lahua', timi laja':

—Ch'ixca. Aimofe'necona'ma.

I-ch'ixco'ma lahua'. Ipanenni.

4.40 Jesús timila' ts'ilihuequi:

—¿Te coxpailijcopolhuo'? ¿Te qui'ipolhuo'? ¿Te aimal'huaiyinge?

4.41 Ixpailijpola' juaiconapa itniya ts'ilihuequi. Timiyotsti:

—¿Naitsi xans itca'a? iJouc'a lahua', laja ticuec'eyi itque locuxe'epola'!

5.1 Icuaitsa locuena lema caja jilpe hilemats' lan xanuc' gadareno.

5.2 Ipanni Jesús al barco. Aiquico'ma, icuaico'ma anuli cal xans qui'huayomma jilpiya lamuhuolanna lomanapola'. Itque cal xans litsufaipa conta'a.

5.3 Lipanga jilpe lamu'empola' lomanapola'. Aimi'iya mifi'enyacu ni cadena catejma'.

5.4 Tifi'econni acadena, inic'e'econni atejma' limane li'mitsi'. Itque tits'atquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya.

5.5 Ipuqui' itine tipa'a pe lamu'empola' lomanapola', jouc'a pe hijualay, tija'e', tits'alyoxi capic, tixcai'eyoxi.

5.6 Cal xans ixim'ma icuaico'ma Jesús aculi'. Aiquico'ma, i'hua'ma italecutsti, exc'onlingai'ma li'mitsi' Jesús.

5.7 Ija'a'ma ujfxi, timi:

—Jesús, ima' i'Hua cal Cuecaj LanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacuj'mi'ma lipuftine LanDios, caxa'huehuo' aimalte'mi'ma.

5.8 Tohta'a linespa lonta'a. Jesús joupa imipa:

—iIma' monta'a, taipanni itca'a cal xans!

5.9 Jesús icuis'e'ma, timi:

—¿Te muftine?

Italai'e'e'ma, timi:

—Laipuftine Legión. Illanc' ninc'xpela'.

(Lataiqui' "legión" tuya'e', ticua: Axpela'.)

5.10 Juaiconapa tixa'hue Jesús, timi:

—Aimalipa'a'monga' jifa'a.

5.11 Jiĥpe ĩaquemala timana' juaiconapa axpela' lijn tehueyi quiĥtejua'.

5.12 Lontahue ixahue'me Jess, timiyi:

—Lummetsonga' pe lomana' iĥne lijn. Jiĥpe aĥtsuflaita lijn.

5.13 Jess epi'i'mola' lane. Lontahue ipalunca iĥque cal xans, itsuflai'me lijn. Iĥniya lijn timana' to oquej mil. Inul'me, imul'me al'ocay. Ifalcoĥai'me laja'. Unxaĥac'mola'.

5.14 Lan xanuc' linhuic'ipola' quiĥjn inul'me. Jiĥpe liĥpiya' jouc'a calx'huiyaĥma' uya'atsa iĥe' li'ipa. Lan xanuc' ipalunca tehuelojnta.

5.15 Icuaitsa pe lopa'a Jess, ixim'me cal xans, iĥque coĥta ĥitsufaipa axpela' containue, ticutsu, ipo'nohuo lipijahua', i'ina'na lipicuejma'. Lan xanuc' ixpailij'mola'.

5.16 Iĥne niximp li'ipa uya'a'me te qui'ipa lixaĥconapa cal xans, iĥque ĥitsufaipa containue. Uya'a'me te qui'ipola' lijn.

5.17 Lan xanuc' ipango'me ixa'hue'me Jess tipanni ĥilemats', ti'huanla'.

5.18 Jess ifajna'ma al barco, ti'hua'na'ma. Cal xans li'ipa ĥitsufaipa containue tixa'hue, timi:

—Aĥhecoĥa' jouc'a.

5.19 Jess aiquepi'i' lane. Timi:

—To'huanla' lomejut'ĥ, jiĥpe lomana' lopimaye. To'itsola' al cueca' li'e'epo' ĥanDios. Tomitsola' te ts'i'ic' liximpo' cuanuc'.

5.20 Cal xans i'hua'na'ma, itsehua'ma petsi lecui'imp: Limbamaj Quiĥeloĥya'. Jiĥpiya u'i'mola' lan xanuc' li'e'epa Jess. Lan xanuc' ixim'me acueca' li'epa Jess, ixpailij'mola'.

5.21 Jess iquiecona'ma al cuecaj quin'nuhua'. Licuaiyoconsi al barco ĥocuena ĥema, icuaitsa axpela' lan xanuc', efo'te'moĥtsi anuli Jess ĥema caja.

5.22 Jiĥpiya icuaitsi anuli cal xans ipenic' lajut'ĥ pe lafoĥyomma lan xanuc'. Cuĥtine Jairo. Lixim'ma Jess, exc'onĥingai'ma li'mitsi',

5.23 tixa'hue juaiconapa, timi:

—ĥai'hua cahuats' juaiconapa textafque. Timana'ma. ĥep. Ma le'a toxpayaf'ta lomane, toxa'menna, ti'hua tipajnta'.

5.24 Iye'me Jess jouc'a Jairo. Axpela' lan xanuc' ihuej'me. I'i'mola' atansca, titantsinni Jess.

5.25 Jiĥpe tipa'a anuli ĥaca'no' textafque. Imbamaj coque' camats' ti'hua cajuats' licu'u.

5.26 Iteĥcopa juaiconapa. Axpela' lin'e'ehuale cafxi iteĥmip. I'naĥtsepola' iĥniya, jounpa ijou'nenapa li'hueca. Aiquixaĥma. Ti'hua tixspa licuana. Iĥque ĥaca'no' icuejpa lo'epa Jess.

5.27 Nolojmay xanuc' iĥoc'huaipa lixpula' Jess. Iĥafc'e'e'ma lipijahua'.

5.28 Iĥque tinesqui lipicuejma': "Ma le'a lipijahua' caĥafĥa', to'e aĥsaĥcona'ma". Tot'liya iĥafc'e'epa lipijahua' Jess.

5.29 Aiquicoĥma, ipanenni licu'u. Ixim'moxi ixaĥconapa. Aimitelcoconaya.

5.30 Aiquicoĥma, Jess ixingufco'ma lipaxi ixaĥmeyalepa. Ipai'e'moxi nolojmay xanuc', icuis'e'mola', timila':

—ĥNaitsi ĥaĥ—lafpa?

5.31 Ts'ilihuequi italai'e'e'me, timiyi:

—Ima' oxina' jifa'a axpela' lan xanuc' titantsihuo', ĥte cofmicuitsufcopa: "ĥNaitsi ĥaĥ—lafpa?"?

5.32 Jess ti'hua tehuetsale ĥijuihuay. Tehuay naitsi iĥque ĥiĥafpa.

5.33 ĥaca'no' tixpaiqui juaiconapa, tiyu, iximpoxi ailopa'a quicuana. Iĥoc'hua'i'ma, exc'onĥingai'ma li'mitsi' Jess. Imi'ma Jess al ĥinca. Tuya'e' te ts'i'ic' lixaĥconapa, timi:

—Aĥiĥafpo' lo'pipahua'.

5.34 Jess timi:

—Mai'hua, aĥhuaiyijmp, toliya ixaĥconapo'. Aimoĥhueĥmot'le'ma. Iĥe al cuana aimitel'miconayaco'.

5.35 Ma mipalaic'o łaca'no', icuaiyunca lan xanuc' quiyoyomma lejut'ł Jairo, iłque ts'ipenic' lajut'ł pe lafołyomma lan xanuc'. Timiyi Jairo:

—Joupa imanapa ło'hua. ¿Te ti'hua cofxoc'icoya łomxi?

5.36 Jesús icuej'ma lu'impá Jairo. Timi:

—Aimixpaij'mo'. Ma le'a a'huaiyijnla'.

5.37 Jesús ileco'mola' Pedro, Jacobo, jouc'a Juan, iłque ipima Jacobo. Timila' locuenaye xanuc' aimiyocu.

5.38 Icuaitsa lejut'ł cal xans, iłque ts'ipenic' lajut'ł pe lafołyomma lan xanuc', Jesús ehuelojm'mola' lo'epa lan xanuc', tijolijyi, tija'ayi.

5.39 Itsufai'ma lajut'ł, timila':

—¿Te cołja'acopa? ¿Te cołjoljicopa? Łahuats' aiqumac', ma le'a tixmay.

5.40 Aiqui'alic' hınca. Ma le'a ixoco'me. Jesús timila':

—Jahuay imanc' tolupalunca.

Ileco'mola' qui'ailli', qui'máma' łahuats', jouc'a lam fantsi ts'ilihuequi. Itsuflai'me pe lonouya łahuats'.

5.41 Jesús i'noł'e'e'ma limane łahuats', timi:

—Talitá kumi.

(Ile lataiqui' lohualquemma ticua: Macahuats', camihuo', totsahuenni.)

5.42 Aiquico'ma, łahuats' itsahuenanni, ipango'ma i'hua'ma. Ixhuaita imbamaj coquej łemats'. Iłne lan xanuc' lixim'me li'ipa xpailij'mola' juaiconapa.

5.43 Jesús juaiconapa ixc'ai'i'mola', timila':

—Aimoluya'ata lai'e'epa łahuats'. Nij naitsi nocuejya.

Lijoupa limipola' tołta'a, icuxe'e'mola', timila':

—Tołtes'mile łahuats'.

6.1 Jesús ipanni jilpiya, icuaitsi lipiła'. Jouc'a ts'ilihuequi iye'me.

6.2 Licuaitsi litine conxajya itsufai'ma lajut'ł pe lafołyomma lan xanuc'. Jiłpe ipango'ma imuc'iyale'ma. Licuej'me ile litaiqui', axpela' lan xanuc' etenłcoco'mola', timiyotłsi:

—Iłque cal xans, ¿naitsi lepi'ipa lipicuejma'?

6.3 ¿Te małque hinc'alhualpa? O ¿a'i iłque? ¿Te iłque i'hua María? ¿Te a'i iłquiya iłpima Jacobo, José, Judas y Simón? Fa'a jouc'a timana' lipimaye cacał'no'.

Iłniya lan xanuc' aiqicuaitsi quiłpic'a lo'epa Jesús, etets'i'me.

6.4 Jesús timila':

—Anuli cal xans łummepa ŁanDios, mipa'a ocuena quiłya' pe lomana' locuenaye lan xanuc', iłniya ticuaispa quiłpic'a lo'epa iłque. Tipainanni, ticuaitsi lipiła' pe lomana' lixanuc', lopa'a lejut'ł, jiłpe hınca tetets'ita.

6.5 Mipa'a Jesús lipiła' aiqiu'alic' cueca' jiłpe. Ma le'a xpayaf'mola' oquexi' afantsi lafcualłay, ixal'me'mola'.

6.6 Ixim'mola' iłne lipiła' xanuc' aiqiu'huaiyinge. Ixhuełco'ma juaiconapa.

Iłhua'ma ehuent sola' łaiquiłelołya' anujnca. Jiłpe imuc'itsola' lan xanuc'.

6.7 Iłne łitiné ijoc'i'mola' limbamaj coquexi' ts'ilihuequi. Iłne icuaiyunca, ipango'ma umme'mola' tiyełe oquexi' oquexi'. Epi'i'mola' liłmane tipa'atsa lontahue.

6.8 Tixc'ai'ila', timila':

—Tonłełe, tołtai'me ma le'a lołpaluc. Aimołtai'me cumla'i. Aimoł'nij'mi'me tołmi jiłpe lołfi'ejma lołcu'u.

6.9 Toł'uaicołe tołc'ejí. Aimołpo'no'me oque' lołtsamalo, ma le'a anuli.

6.10 Lajut'ł petsi tepenuftsolhuo', mołmana' jilpiya liłya', małpe tołmajntsa.

6.11 Ja'ni tołcuaitsa petsi aimepenufinnilhuo', ni aimiquimfennilhuo', imanc' tulunafle lołmitsi', tipanni

ihque lamats' hitaijmpa lo'c'ej'. To'ta'a ti'ila' quihina' ma ihne quihtuca' ti'najtse'me lihjunac'.

6.12 Ts'ilihuequi ipalunca, uya'a'me Lataiqui' loya'apa ihe al c'a lixic'epa LanDios. U'iyale'me tixhuj'menanca lixcay lo'epa.

6.13 Ipa'a'me axpela' lontahue. I'ot'hi'me laceite axpela' lafcuallay. Hniya ixalcona'mola'.

6.14 Ni petsi lomana' lan xanuc' tivalaicoyi lo'epa Jesús. Cal rey Herodes jouc'a icuej'ma lo'epa. Timana' lan xanuc' nocuapá:

—Jesús ihquiya aJuan Bautista, joupa imafinapa ipanamma pe lomana' limanapola'. To'ta'a juaiconapa apaxi ihque, ti'ay acueca'.

6.15 Ocuenaye ticuayi:

—Hque aElías, icuaiyocona'ma fa'a li'a lamats'.

Ocuenaye ticuayi:

—Hque aprofeta hummepa LanDios, ti'onlcospa to lam profeta limajmpá fa'a luyaipa quitine.

6.16 Li'i'ma quixina' Herodes ihe lonespa lan xanuc', ihque ines'ma:

—Hque ma Juan Bautista. Linca aicuxe'ma etec'em'me lejoc', joupa imafinapa.

6.17 6.18 Herodes joupa exic'e'epa hipeno hipima Felipe. Ihquiya lacano' cuftine Herodías. Ilecopa. Juan timi Herodes: “O'epa quixcay. ¿Te comexic'e'ecopa hipeno lopima? ¿Te colecocopa? Hque a'i copeno. Ipeno lopima.” Juan limi'ma to'ta'a ixtunni Herodes. Icuixepa i'nohntsa, ifi'entsa, itats'entsa.

6.19 Lacano' Herodías ti'ay quipilaic' Juan. Ijanaj'ma tima'anle. Aiqui'ic'.

6.20 Cal rey Herodes tixpaic'e Juan. Imetsaico'ma ac'a xans. I'epa cuenna. Ti'hua tiquimfe lonespa Juan. Tama aiquicueca, ticuaispa quipic'a litaiqui' Juan.

6.21 Herodías joupa iximpa lo'eya tima'anle Juan.

Herodes lixhuaita lamats' i'e'ma juic. Hiya lipuqui' titetsoyi anuli lijoc'ipola', ihne lan tsila' quihtenic', jouc'a lincuxepá soldado, jouc'a lan tsila' xanuc' nomana' al distrito Galilea.

6.22 Jilpiya lefo'ya itsufai'ma hi'hua caca'no' Herodías. Ixau'ma. Icuaiti quihtic'a Herodes jouc'a lijoc'ipola', ihne nocutshuolanna jilpiya. Cal rey timi lahuats': “Alsahue'ela' jale ts'opic'a, capi'i'mo”.

6.23 I'e'ma jurar, icuaj'moxi: “Ihe lahsahue'eya, tama ti'ila' onlca laifcuxepa, capi'i'mo”.

6.24 Ipanni lahuats'. I'hua'ma, icuaiti pe lopa'a qui'máma', timi: “¿Te caifxahue'eya?” Qui'máma' timi: “Toxahue'etsi tepi'intso' hijuac Juan, tetoj'minle al cuecaj pime”.

6.25 Aiquico' ma, lahuats' ipanni, i'huacona'ma ixintsi cal rey. Ixahue'e'ma, timi: “Lapi'ila' hijuac Juan Bautista, to'nij'mila' anuli al pime”.

6.26 Cal rey ixhuelconni juaiconapa. ¿Te co'eya? Aimi'iya micuanac'eya loxahue'epa lahuats'. Lan xanuc' nocutshuolanna jilpiya joupa icuejpá licuajpoxi.

6.27 Aiquico' ma, umme'ma anuli hisoldado, icuxe'ma, timi: “Totaiti hijuac Juan”. Cal soldado i'hua'ma, icuaiti la carza, etec'etsi lejoc' Juan,

6.28 i'nij'mitsi al pime hijuac, uhui'i'ma lahuats'. Lahuats' i'hua'ma pe lopa'a qui'máma', uhui'itsi.

6.29 Ts'ilihuequi Juan icuej'me to'ta'a li'ipa. Icuaita pe lima'ayompa Juan, itaina'me licuerpo, emunatsa.

6.30 Ts'ilihuequi Jesús icuainanca pe lopa'a Jesús, efo'tecona'moltsi. Joupa iyehuo'me uya'a'huo'me Lataiqui' loya'apa ihe al c'a lixic'epa LanDios. U'i'me jahuay li'ehuo'me, jahuay limuc'iyalehuo'me.

6.31 Jesús timila':

—Lepá illanc' caltuca'. Lepá pu'huanni pe ailopa'a qui'ya'. Lunxajta.

Jilpe pe lomana' Jesús jouc'a ts'ilihuequi, lan xanuc' tihcuaispa, tiyenayi. Aimi'iya mitetsoyacu, ni Jesús ni ts'ilihuequi.

6.32 Ifajli'me anuli al barco, iye'me quihtuca' ticuaita pe ailopa'a qui'ya'.

6.33 Axpela' lan xanuc' quiyouyomma jahuay hilelo'ya' ixinim'mola' lifajli'me al barco. Imetsaico'mola'. Ihne lan xanuc' iye'me, inul'me, icuaita ate'a pe lotseyacu Jesús jouc'a ts'ilihuequi.

6.34 Jesús jouc'a ts'ilihuequi icuaitsa łocuena quema caja, ipalunca al barco. Jesús lixim'mola' ihne axpela' lan xanuc' efot'leyołtsi jilpiya, ixim'mola' acuanuc'la. Ixim'mola' to lam mot'ł, ihne lam mot'ł lahue'epola' quilpoujna. Ailopa'a nohuic'iyacola'. Ipango'ma imuc'i'mola'. Axpe' łataiqui' imuc'i'mola'.

6.35 Joup'a if'acolaipa, ts'ilihuequi Jesús iloc'olai'me, timiyi:

—Jifa'a ailopa'a quilya'. Joup'a if'acolaipa.

6.36 Tommetsola' lan xanuc' tiyełe. Pu'huanni calx'uiyałma' o lilelołya' ti'nata łotejacu.

6.37 Jesús timila':

—Imanc' tołtes'mitsola'.

Italai'e'e'me, timiyi:

—Ticuicomma axpe' łai, lipitali to lolijya cal xans no'eya canic' apaicoj mut'ła. łTe tipa'a całtomı ałnacota tołta'a łai? Aimi'ya małtes'miyacola'.

6.38 Jesús icuis'e'mola', timila':

—łTojua tipa'a łai? Tonłełe, tołsintsa.

Iye'me, ixintsa. U'icona'me, timiyi:

—Tipa'a amaque' la'ı, jouc'a oquexi' latuye.

6.39 Jesús icuxe'e'mola' ts'ilihuequi ticuxe'entsola' lan xanuc' ticutsolaile jahuary jilpe calxhuaica pajac.

6.40 Enaj'mołtsi lan xanuc' amaxnu amaxnu, jouc'a oquej oquej nuxans quimbama', icutshuolai'me.

6.41 Jesús epef'ma lan maquej la'ı jouc'a loquexi' latuye, ehuenaf'ma lema'a, ix'najtsi'ima ŁanDios.

Ixquenuf'ma łai, epi'i'mola' ts'ilihuequi, ihne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'.

6.42 Jahuary itetso'me, ixhuaitso'la'.

6.43 Ts'ilihuequi efot'fena'me lipanecomma łai jouc'a latuye. Imantsi imbamaj coque' lan tsiquihuit'ł.

6.44 Lan xanuc' litetso'me tixhuaispola' oquej nuxans quimbamaj maxnu. Jouc'a timana' lacał'no', la'uhuary.

6.45 Aiquicoł'ma, Jesús icuxe'e'mola' ts'ilihuequi tifajlıte al barco, tiquiełe al cuecaj quin'nuhua', ticuaitsa pe lopa'a lilya' Betsaida.

6.46 Iłque ix'ai'ina'mola' lan xanuc', if'aj'ma hijuala, tipalaic'ota ŁanDios.

6.47 Muyałaicoyi ts'ilihuequi icuaitsa nolojmay quin'nuhua' imufe'o'ma. Jesús tipa'a łamats' quituca'.

6.48 Jilpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi caxxi tiquiełe, aimi'i miquieyi. Italecuf'me łujfxi cahua'. Al fanej hora lipuqui' joup'a uyaipa, tehue'e' micuaiya al camts'us 'hora. Icuaiico'ma Jesús ti'huayaf'que laja'. Icuaitsi pe lopa'a al barco, ti'hua mi'hua, tocomma tuyaicota.

6.49 Ts'ilihuequi ixim'me, ticuayi: "Acuecaj quinxpaic'ale". Ija'a'me.

6.50 Jahuary ixim'me. Ixpailij'mola' juaiconapa. Jesús aiquicoł'ma, ipalaic'o'mola', timila':

—Aimixpailij'molhuo'. Toł'etsołtsi acueca' łolunxajma'. Ma iya'.

6.51 If'aj'ma al barco pe lomana' ts'ilihuequi. I-ch'ixcona'ma łahua'. Ixim'me acueca' ilē li'epa Jesús. Aiquiłcueca.

6.52 Tama joup'a iximpá al cuecaj li'epa Jesús ilē litine lites'mi'mola' lan xanuc', ite'me łai, ihne ts'ilihuequi aimicuec'eyi. Amuf'lıpicuejma'.

6.53 Lijou'ma liquie'me al cuecaj quin'nuhua', icuaitsa łamats' Genesaret. Jilpiya ifijm'me al barco.

6.54 Ipalnanca. Aiquicoł'ma, lan xanuc' imetsaico'me Jesús.

6.55 Ni petsi jilpe łamats' icuej'me lan xanuc': "Icuai'ma Jesús, pu'hua o łu'hua tipa'a". Iyec'olaitsa tehueyi Jesús, iłtaic' lilefcuallay tunaf'colanna łilpuxcuif'que.

6.56 Jilpiya lan tsocay quilełołya', o lan tsila' quilełołya', o calx'huiyałma', ni petsi licuaitsi Jesús, lan xanuc' iłtaic' lilefcuallay jilpe pe lafołyoya. Tixahue'eyi Jesús tepi'itsola' lane lilefcuallay tilafle, tama

ma le'a lipijahua'. Jahuay niłafpá, tixałconala'.

7.1 Lam fariseo icuaitsa pe lopa'a Jesús, jouc'a icuaitsa lomxiye nomuc'iyalepá locuxepa ŁanDios. İhne quiyoyomma al cuecaj quiıya' Jerusalén.

7.2 Ti'huilalc'oyi lo'epa ts'ilihuequi Jesús. Ticuayi: "İhne titetsoyi aiqululuhua al c'a liłmane'. Aimepenufyacola' ŁanDios."

7.3 Lan xanuc' fariseo tihuejyi liłtatahueló li'ejma'. Tepajyi liłmane' ticuaispa liłhuxluc.

7.4 Miye'me laplaza, miyelocota, micuainacu lilejutł ate'a tepo'me, tijouła' titetso'me. Tihuejyi axpe' qui'ejma'. Tipa'a li'ejma' mepaj'me liłpime, liłcatsitu, hilepixú, lolanc'ecompa atejma' cuftine acobre, jouc'a liłhualfa. Ticuayi: "Tołta'a ipic'a ŁanDios".

7.5 İhne icuis'e'me Jesús, timiyi:

—İhne lihuejhuo', ¿te co'ecopa aimihuejyi la'ejma' iłe lałmuc'iponga' lałtatahueló? Mane titetsoyi, aimepajyi al c'a liłmane'.

7.6 Jesús italai'e'e'mola', timila':

—İmanc' ma le'a tonf'e'eyołtsi to unc'ic'a xanuc'. Luyaiqa quitine cal profeta Isafas uya'a'ma linespa ŁanDios te ts'i'ic' lołpicuejma'. Ticua:

İhne lan xanuc' ałmi: "İma' malanDios", ma le'a tıpalolaiyi.

İhniya aimalcuec'e, ma ti'eyi quiłtuca' ts'iłpic'a.

7.7 Tama laxc'onłingaiła' aicapenufila',

ihne timuc'iyaleyi ma le'a locuxepa lan xanuc', a'i laıfcuxepa.

7.8 'Tole lołpicuejma' imanc', tolatets'iyi ŁanDios, tolihuequila' lan xanuc' li'ejma'.

7.9 Jouc'a timila':

—İmanc' xonca tolihuequila' lołtatahueló li'ejma', tołta'a tolatets'iyi litaiqui' ŁanDios.

7.10 'Moises icuxepa: "Taihuejco'mola' co'ailli', co'máma', toloc'i'mola'". Jouc'a icuxepa: "Cal xans nomipola' cataiqui' qui'ailli' qui'máma', tipa'a lijunac'. i'Tima'anle!"

7.11 'İmanc' ituca' lołmuc'iyalepa. Ja'ni anuli cal xans timitsola' qui'ailli', qui'máma': "Aimi'iya catoc'iyacolhuo'. Jahuay łai'huexi joupa nenajpa, iłe catsufco'ma ŁanDios."

7.12 İmanc' tolcuayi: "Ne', iłque aimitoc'i'mola' qui'ailli' qui'máma'".

7.13 'İle litaiqui' lolihuejpa ma le'a liłtaiqui' lołtatahueló limuc'ipolhuo', iłiya cołmuc'ipola' lan xanuc'. Ma' anuli tołta'a axpe' tonf'eyi. Litaiqui' locuxepa ŁanDios tołsinyi to nij naitsi cataiqui'.

7.14 U'icona'mola' lan xanuc' lefot'łepołtsi jiłpiya, timila':

—iAłquimfela' anuli anuli imanc'! iAłcuec'ela'!

7.15 Fa'a li'a łamats' tipa'a iłe pe imanc' lolacui'ipa axujc'a. Iya' cacua a'i. Ja'ni anuli cal xans titela', ti'nicola' lico, tinuc'la', ailopa'a co'ıya, aimixis'meyacoxi. Al xujc'a laipa'aya lipicuejma' cal xans, iłe hınca tixis'me'ma.

7.16 Naitsi nocuejpa, ałquimfela' iya' litaiqui'.

7.17 Jesús ipo'no'mola' quiłtuca' lan xanuc', itsufai'ma lajutł. Ts'ilihuequi ixa'hue'me tuhualc'e'etsola' iłe litaiqui'.

7.18 Timila':

—¿Te imanc' jouc'a ailopa'a cołpicuejma'? Cal xans no'nicopa lico al xujc'a, tinuc'a, aimixis'meyacoxi tołta'a. ¿Te aicołcueca?

7.19 İle loyaicopa lico, aimitsufaiya lipicuejma'. Ticuaispa licu'u, tijouła' tıpanamma.

Minesqui tołta'a Jesús ipalaicopa łotempa fa'a li'a łamats'. Ticua jahuay iłe ac'a. Aimi'iya minesyacu: "İle axujc'a, aimi'ıya catec'ıya".

7.20 Ti'hua timila':

—Al xujc'a laipa'apa lipicuejma', iłe hınca tixis'me'ma cal xans.

7.21 Jiłpe liłpicuejma', lan xanuc' tıxpıc'eyi ti'ełe al xujc'a. Tihuennaiquila' cacal'no', tinantseyi,

tima'ahualeyi, tixhuicoyi liþpenoye liþ'as xanuc',

7.22 tujanajyi ti'huejle xonca, ti'eyi al xujc'a liþ'as xanuc', tifel'miyaleyi, tipalaiyi o ti'eyi petsi aimetenkocojma, ti'e'ehualeyi laic', tinescoyi liþ'as xanuc', tetets'iyaleyi, tixinyohtsi xonca lan tsila' xanuc', ti'eyi pangay camac'ta.

7.23 Jahuay ilna'a tipa'a liþpicuejma'. Ja'ni tipa'ale, ti'ele tohta'a, tixis'me'mohtsi, ti'e'e'mohtsi xujc'a.

7.24 Jesús ipanni jilþiya. I'hua'ma icuaitsi lamats' huejnca liþya' cuftine Tiro. Itsufai'ma anuli lajut'.

Ticua: Nij naitsi nocuejya.

7.25 Anuli laca'no' icuej'ma jilþe tipa'a Jesús. Icuaitsi, exc'onlingai'ma li'mitsi' Jesús. Iþque laca'no' tipa'a hi'hua cahuats' hitsufaipa conta'a.

7.26 Laca'no' a'i judía, qui'huayomma maþiya lamats' cuftine Sirofenicia. (Lan xanuc' judío tetets'innila' ihniya lun Sirofenicia. Tecui'innila' atsilqui.)

Laca'no' tixahue'e tipa'ala' lonta'a, tixa'mela' hi'hua.

7.27 Jesús timi:

—Ate'a altes'mi'mola' laþnaxque'. Ahtoc'itsola' laþxanuc'. ¿Te ja'ni ac'a laþeyacu laxic'e'mola' hile'i la'uhuay, tijoula' laca'ni'i'mola' lan tsilqui?

7.28 Laca'no' titalai'e'e, timi:

—Mapoujna, tama al linca lofnespa, iya' cacua lan tsilqui titeji laiquepi' ca'i lopa'a licu'uj mesa, loc'aip'a la'uhuay.

7.29 Jesús timi laca'no':

—Ihta'a laþmipa icuaicota caipic'a. Ma to'huanla'. Lonta'a jouna ipanamma lo'hua.

7.30 Laca'no' i'hua'na'ma, icuainatsi lejut' ixim'ma hi'hua tunouya. Lonta'a jouna ipanamma.

7.31 Jesús ipanni pe lopa'a liþya' Tiro, uyaicotsi liþya' Sidón, jouc'a pe lopa'a Limbama' Quihelotya'.

Icuaicotsi al cuecaj quin'nuhua' Galilea.

7.32 Jilþiya i'hua'a'me anuli cal xans atape, afule mipalay, ata'ay. Ixa'hue'me Jesús tixpayaf'la' iþque cal xans.

7.33 Jesús ileco'ma lijuqueya jilþe pe ailopa'a xans. Ecajm'mi'ma lidedó anuli anuli lix'mats'i' cal xans.

Itsulof'i'ma þipaþ cal xans.

7.34 Ehuenaþ'ma lema'a, ixnalif'ma acueca' timi:

—iEfata!

Iþe lataiqui' locuajmaispa ticua: iTexinanni!

7.35 Aiquicoþ'ma. Cal xans iximpoxi exinamma lix'mats'i', ux'masquenanni þipaþ. Ipango'ma ipalai'ma ac'a.

7.36 Jesús icuxe'e'mola' lan xanuc' aimuyout'le'me. Nij naitsi nocuejya. Ihniya aimicuec'eyi. Tama Jesús timila': "Aimuluyout'le'me, nij naitsi locuejya", ihne lan xanuc' xonca tuya'ayi lo'epa.

7.37 Imetsaico'me acueca' juaiconapa lo'epa Jesús. Ticuayi:

—iTohsinte! Tixa'menala' lan taþpe ihne ticuejnyai. Tixa'menala' jouc'a lan ta'ay, ihne tipalainayi ac'a.

Jahuay lo'epa juaiconapa ac'a.

8.1 Jiþne hitiné lan xanuc' efoþconanni pe lopa'a Jesús. Ailopa'a cotejacu. Jesús ijoc'i'mola' ts'ilihuequi, timila':

8.2 —Iya' caxinnila' cuanuc'la ihne lan xanuc'. Jouna ixhuaita afane' quitine maþmana' fa'a, iya' jouc'a ihniya.

8.3 Timana' quiyouyomma aculi'. Aiquiþtesma. Aimi'iya miyeyacu. A'i cummeyacola'. Ticuaitsa nolojmay cane timatola' cumemma.

8.4 Ts'ilihuequi italai'e'e'me, timiyi:

—Jifa'a ailopa'a quiŷya'. ¿Petsi caŷtac'ueyacu ła'i tinajntsola' iŷniya lan xanuc'?

8.5 Jesús icuis'e'mola', timila':

—Imanc', ¿tojua mimana' lola'í?

Iŷne italai'enca, timiyi:

—Tipa'a acaitsi lala'í.

8.6 Jesús icuxe'e'mola' lan xanuc' ticutshuołaiŷe ła'mats'. Epenufma lan caitsi la'í, ix'najtsi'i'ma ła'nDios, ixquenufma ła'i, epi'i'mola' ts'ilihuequi. Iŷniya eca'nem'mola' lan xanuc'.

8.7 Timana' jouc'a oquexi' afantsi laicatuŷe. Jesús ix'najtsi'icona'ma ła'nDios, timila' ts'ilihuequi:

—Tolaca'netsola' lan xanuc'.

8.8 Jahuay itetso'me. Inajntsola' al c'a. Lefot'he'me lipanecomma, imantsi acaitsi lan tsangay.

8.9 Iŷne lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

8.10 Aiquicoŷma, ifajli'me al barco jouc'a ts'ilihuequi. Iŷe'me icuaitsa ła'mats' liŷya' cuftine Dalmanuta.

8.11 Icuaiiconanca lan xanuc' fariseo. Ipango'me icuis'mot'hecona'me Jesús. Ixa'hue'me ti'ela' al cueca', iŷe to lo'eya ła'nDios. Tehuaiyi.

8.12 Jesús ixnalifma acueca', ticua:

—Lan xanuc' nomana' itsiya, ¿te całsa'huecopa ca'ela' al cueca'? Iya' cacua: ła'nca aicamuc'iyacola', ni tołta'a.

8.13 Ipo'no'mola' quiłtuca', ifajcona'ma al barco. Iŷe'me, iquie'me al cuecaj quin'nuhua'.

8.14 Ts'ilihuequi aiquiłtaic' ca'i. Imenc'ecopá.

8.15 Jesús ixc'ai'i'mola' iŷniya, timila':

—Tołpo'nołe cuenna. Aimolapenufme liŷevadura lan xanuc' fariseo, ni liŷevadura cal rey Herodes.

8.16 Iŷne aiquiłcueca iŷe limipola' Jesús. Timiyoltsi:

—¿Te calmicoponga' tołta'a? O ¿alminga': "Imanc' olimenc'ecopá, aicołtaic' ca'i"?

8.17 Jesús ixina' lonespa, timila':

—Imanc', ¿te colnescopa: "Ailopa'a cala'i"? ¿Teaicolcueca laimipolhuo'? ¿Te aicolapaic' cuenna lai'epa? O ¿i'ipolhuo' muf lołpicuejma'?

8.18 ¿Te unc'ifohue? ¿Te aimoltsinyi loł'u'? ¿Te unc'itałpe? ¿Te aimolcuejyi loł'mats'i'? ¿Te olimenc'ecopá lai'epa?

8.19 Lu'ıla': Jiłpe litine laixquenufma lam maque' la'í lolaca'nepola' iŷne lam maquej mil lan xanuc', ¿tojua lan tsiquihuitł lołma'ne'me lipaneconni?

Italai'e'e'me, timiyi:

—Imbamaj coque'.

8.20 —Laixquenufma lan caitsi la'í lolaca'nepola' lam malpuj mil lan xanuc', ¿tojua lan tsangay lołma'ne'me lipaneconni?

Italai'e'e'me:

—Acaitsi.

8.21 Timila':

—Itsiya, ¿te aimi'iya molcuec'eyacu?

8.22 Icuaitsa liŷya' Betsaida. Icuai'e'entsa Jesús anuli cal fo'. Ixa'hue'me tixpayafła' li'u' cal fo'.

8.23 Jesús exałma cal fo', iŷe'me lema quiŷya'. Iotłi'ma liŷulu li'u', ixpayafma limane, icuis'e'ma, timi:

—Itsiya, ¿te nipajnya tahuetsale? ¿Toxina'?

8.24 Cal xans ipango'ma ehuetŷale'ma, timi:

—Caxinnila' lan xanuc', tiyelocoyi. Ti'onłcospola' to lan 'ec'.

8.25 Jesús ixpayaf'cona'ma li'u' cal xans. Iŷque ixim'moxi exilinamma li'u'. Ehuetsale'ma. Tehuelongue jahuay.

8.26 Jesús umme'ma ti'huanla' lejut'l, timi:

—Aimotsufai'ma liya'. Aimo'itola' lan xanuc'. Nij naitsi nocuejya li'ipo'.

8.27 Jesús jouc'a ts'ilihuequi iye'me, ticuaitsa laiquiheloña' lomana' jilpe al distrito cuftine Cesarea de Filipo. Miyeyi lane Jesús ticuis'ela', timila':

—¿Te conespa lan xanuc'? ¿Naitsi iya'?

8.28 Italai'e'e'me:

—Timana' nocuapá ima' umJuan Bautista. Ocuenaye ticuayi ima' umprofeta Elías. Ocuenaye tinesyi ima' mocuenaj profeta.

8.29 Icuisecona'mola':

—Imanc', ¿te coñespa? ¿Te coñcuapa? ¿Naitsi iya'?

Pedro italai'e'e'ma, timi:

—Ima' unCristo. LanDios ummepo'.

8.30 Jesús u'i'mola':

—Aimolu'i'mola' lan xanuc'. Nij naitsi nocuejya.

8.31 Ipango'ma imuc'i'mola' loyaicoya. Timila':

—Iya' iñque cal Xans Liximpa cal profeta pu'hua lema'a. Cateco'ma juaiconapa. Lan tsila' xanuc' noxpijpa lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, ihniya latets'i'ma, añcu'ma aña'anla'. Afanej quitine camafina'ma, catsahueno.

8.32 Acuajmaica u'ipola': “Aña'a'ma”. Pedro aiqicuaitsi quipic'a ñe lines'ma Jesús. Ixoulai'ipa, itale'ma, timi:

—¿Te cofnescopa toña'a?

8.33 Jesús ipai'e'moxi, ehuelojm'mola' ts'ilihuequi, itale'ma Pedro, timi:

—To'huanla'. Tanajxoxi fa'a. Ima' topalay ma to minesqui lonta'a Satanás. Ima' toxpic'e to mixpic'eyi lan xanuc'. Ituca' tixpic'e LanDios.

8.34 Ijoc'i'mola' lan xanuc' jouc'a ts'ilihuequi tiquimfete, timila':

—Cal xans ja'ni ipic'a lihuejla', aimicuxe'moxi quituca'. Iya' lapats'inginna lancruz. Naitsi nalihuejya titaiña' lencruz jouc'a. Tixpic'ela' ticuxoxi titelcoña'. Toña'a lihuejla'.

8.35 Cal xans ja'ni ti'exoxi cuenna juaiconapa, ja'ni aimicua mitecoya, iñque cal xans tecani'e'moxi. Cal xans ts'ipic'a tihuejla' Lataiqui' loya'apa ñe al c'a lixpicepa LanDios, toña'a lihuej'ma iya', iñque ñinca ticu'moxi latecoya. Tama tima'añe, iñque tulij'ma lipitine aimijouya.

8.36 Cal xans nolijpa jahuay lopa'a fa'a li'a ñamats', tijouña' tecani'exoxi, ¿te tixhuico'ma ñe lulijpa?

8.37 ¿Nipajnya ti'ñajtse'ma tunñu'ela' hi'alma? A'i, aimi'iya.

8.38 'Itsiya litine lan xanuc' enajpotsi LanDios, ti'eyi al xujc'a. Cal xans noximpa calaic'ata, ja'ni tinesla': “Ñe laifas xanuc' lahuelonge, aiqihuejya Jesús, aicapenufya litaiqui', aimi'iya”; litine cacuaiconanni fa'a li'a ñamats', iya' jouc'a aicapenufya iñque cal xans. Iya' iñque cal Xans Liximpa cal profeta pu'hua lema'a'. Cacuaiyoconno. Añcuaiconacu iya' jouc'a lam paxi capaluc' quema'a. Jilpe litine añsim'ma ninCueca' ma to LanDios cai'Ailli'.

9.1 Ti'hua timila':

—Iya' camilhuo' al ñinca: Jifa'a timana' lan xanuc' tixim'me, timetsaico'me lo'eya LanDios micuxe fa'a li'a ñamats'. Toña'a tixim'me ai'a tima'mola'.

9.2 Luyaipa acamts'us quitine Jesús ileco'mola' Pedro, Jacobo jouc'a Juan. Tiyeyi ma quiñuca'. Ifajli'me ñinofquiya hijuala. Mehuelojnyi Jesús iñque ipaicomma lixans.

9.3 Lipijahua' i'i'ma afujca juaiconapa, tunts'iflay. Fa'a li'a ñamats' tama tepajle lijahua' aimi'iya mi'onñiyacu toña'a.

9.4 Ts'ilihuequi Jesús ixim'me imaxcaitsola' lam profeta Moisés jouc'a Elías. Tipalaic'oyi Jesús.

9.5 Pedro timi Jesús:

—Momxi, iac'a fa'a maľmana! Aľanc'e'me afanej lihuoxqui, anuli ima', anuli Moisés, locuena Elías.

9.6 Pedro aikuixina' te ts'i'ic' iľe licuapa, ma le'a tipalay. Iľne lam fantsi ts'ilihuequi Jesús xpailij'mola' juaiconapa.

9.7 Ixim'me ipoxc'i'mola' cummahuay. Icuej'me tipalay maľpe ľummahuay, timila':

—Iľca'a ai'Hua, ca'ay capic'a juaiconapa. Toľquim'fele iľque lonespa.

9.8 Ehuelojncona'me Jesús, iľque tecaxu quituca'. Moisés y Elías ailomana'. Ma ejac'na'mola'.

9.9 Mimulnamma ľijuala Jesús ipalaic'ocona'mola', timila':

—Iya' iľque cal Xans Łiximpa cal profeta pu'hua lema'a, ma capa'a fa'a li'a ľamats' aimoluya'ata loľsimpa jilpe ľijuala. Nij naitsi nocuejya. Aľma'a'ma, catsahuenahuo quipayonahuo pe lomana' limapola', tijouľa' ti'ila' toľta'a toľu'i'mola' lan xanuc'.

9.10 Iľne ts'ilihuequi Jesús ma quilituca' tipalaic'oyoľtsi, i'nujuaista iľe lixinghuo'me ľijuala.

Ticuis'eyoľtsi:

—¿Te cataiqui' lonespa Jesús? Ticua: “Catsahuenahuo, quipano pe lomana' limapola”.

9.11 Icuise'e'me Jesús, timiyi:

—Lomxiye nomuc'iyalepá locuxepa ŁanDios ticuayi: “Ate'a Elías ticuaiyoconno fa'a li'a ľamats'. Tijouľa' ticuaihuo cal Cristo.” ¿Te conescopa toľta'a?

9.12 Jesús timila':

—Al ľinca lonespa iľniya lomxiye iľne nocuapá: “Ate'a ticuaihuo Elías. Iľque tixanu'ma jahuay.” Jouc'a tipa'a ľiniľiya loya'apa te ts'i'ic' laifnuyaicoya iya'. Iya' iľque cal Xans Łiximpa cal profeta pu'hua lema'a. Tuya'e' iya' catelco'ma juaiconapa, lan xanuc' latets'i'ma.

9.13 'Iya' camilhuo', joupa i'huamma Elías. Lan xanuc' ma to lixpice'pa toľta'a i'e'epá iľque. I'e'epá ma to muya'e' jilpe al Paxi Cataiqui' Linilingiya.

9.14 Icuaitsa pe lomana' locuenaye ts'ilihuequi Jesús, jilpe ixim'me juaiconapa axpela' lan xanuc' efoťleyoľtsi canumicay. Jouc'a timana' lomxiye nomuc'iyalepá locuxepa ŁanDios. Iľne lomxiye tifuli'iyi cataiqui' ts'ilihuequi Jesús.

9.15 Lixim'me Jesús lan xanuc' ixoconni quileta. Aiquicoľ'mola', iyouyunca, inontsa.

9.16 Jesús icuise'e'mola' lomxiye nomuc'iyalepá locuxepa ŁanDios, timila':

—Imanc', ¿te colicuis'epola' iľne lalihuequi?

9.17 Jilpiya lefoťya anuli cal xans ipala'ima, timi Jesús:

—Momxi, ailec'mehuo' ľai'hua. Itsufaipa conta'a. Iľque ľonta'a i'e'epa ata'ay.

9.18 Łonta'a mulij'ma ľai'hua tecanghuaispa. Tijouľa' ľai'hua ti'i quipehuoxco lico, ti'ic'a li'ay, tuhuaquemma. Aixa'hue'mola' ľihuejhuo' tipa'ale ľonta'a. Aiqui'ic' quilipa'e.

9.19 Jesús italai'e'ma, ticua:

—Itsiya litine imanc' noľmana' fa'a li'a ľamats' aimoľ'huaiyijnyi ŁanDios, olanajpoľtsi. Iya' cacua, coľa' aicapajncona'ma pe loľmana'. ¿Te iya' ti'hua caxnet'ľma? Aľec'metsi ľo'hua.

9.20 Iľecontsa ľamijcano. Aiquicoľ'ma, lixim'ma ľonta'a Jesús, ife'ne'ma ujfxi ľamijcano. Iľque ecanghuaitsi, ti'huaľtsay, ipa'a'ma ipehuoxco lico.

9.21 Jesús icuise'e'ma qui'ailli' ľamijcano, timi:

—¿Toľjua camats' toľta'a mi'i ľo'hua?

Italai'e'e'ma timi:

—Caca'hua.

9.22 Łonta'a tummetsay, tecajm-maispa ľaja' jouc'a titanc'aispa ľunga. Tehuay te co'iya mima'aya. Itsiya ja'ni nipajnya, iaľtoť'itsonga'! iAľsintsonga' ninc'icuanuc'la!

9.23 Jesús timi cal xans:

—¿Te calmicopa: “Ja'ni nipajnya”? Ja'ni ima' aľ'huaiyijnla', ti'i'ma. Naitne laľ'huaiyijmpa aľsim'ma iya'

nipajnya, ašim'ma jahuary ti'i'ma ca'e'ma.

9.24 Aiquicoŋ'ma, qui'ailli' łamijcano ija'a'ma ujfxi, timi Jesús:

—Ca'huaiyijnhuo', iałtoc'ila' ca'huaiyijntso' xonca!

9.25 Ixim'mola' Jesús tiłoc'olaiyumma xonca lan xanuc', itale'ma łonta'a, timi:

—Ima' monta'a, ima' o'e'epa atape y ata'ay ilca'a łamijcano. Iya' cacuxe'ehuo', itaipanni ilca'a łamijcano! Aimotsufaiconama.

9.26 Łonta'a ija'a'ma. Ife'ne'ma ujfxi łamijcano. Ipananni. Łamijcano i'i'ma to łomapa. Axpela' lan xanuc' ticuayi: “Joupa imanapa”.

9.27 Jesús i'no'e'ma limane icutsu'ma łamijcano, iłque ecaxna'ma.

9.28 Lijou'ma litsufłai'me lajut'ł Jesús jouc'a ts'ilihuequi, mimana' quiłtuca' ilne icuis'e'me, timiyi:

—Illanc', łte ca'icoponga' aicalipa'e łonta'a?

9.29 Italai'e'e'mola', timila':

—Ticuicomma tołsa'huefe ŁanDios, aimołtetso'me, tołsnet'łle. Ja'ni a'i, aimi'iya molipa'ayacola' ilniya lontahue.

9.30 Ipalunca jilpiya. Tuyalaicoyi al distrito Galilea. Jesús ticua: “Aimicuej'me lan xanuc' pe laifpa'a”.

Ipic'a timajnlę quiłtuca' ilque y ts'ilihuequi.

9.31 Mimuc'ila' timila':

—Iya' ilque cal Xans Łiximpa cal profeta pu'hua lema'a. Ałcu'ma, ał'noł'ma lan xanuc', ałma'a'ma. Afane' quitine, camaf'ina'ma.

9.32 Ilne aiquiłcueca ilę lonespa Jesús. Aiquiłicuis'e. Tixpailiquila'.

9.33 Icuaiyoconsa ilıya' Capernaum. Mimana' lajut'ł, Jesús icuis'e'mola' ts'ilihuequi, timila':

—łTe cataiqui' colfuli'icopołtsi małeyi lane?

9.34 Ilniya aiquiłtalai'e. Miyeyi lane tifuli'iyoltsi cataiqui' naitsi ilque xonca cal te'a.

9.35 Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ila' cal te'a, ti'e'exoxi łaquijoujma, ti'e'exoxi to łaquintahuaicopa lif'as xanuc'.

9.36 Exał'u'ma anuli łahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

9.37 —Naitsi napenufya anuli łahuac'hua to ilca'a, ja'ni tinesla': “Jesús ti'ay capic'a ilca'a łahuac'hua, iya' jouc'a capenuf'ma”, ilque łınca lapenufi iya'. Naitsi nalapenufpa iya' a'i ma le'a iya' lapenufi, lapenufinga' jouc'a Łalummepa.

9.38 Juan timi Jesús:

—Momxi, ałsimpá anuli cal xans tipa'ala' lontahue. Ilque ticuaj'mi lopuftine. Illanc' ałcuanac'epá. Ilque a'i całejmale.

9.39 Jesús timila':

—Aimołcuanac'e'me. Anuli cal xans no'epa acueca' micuaj'mi laipuftine, ilque cal xans aimalnesc'eya cataiqui'.

9.40 Ilne lan xanuc' ja'ni aimal'enga' laic' tama a'i małejmaleyi, ilne łınca ałtoc'inga'.

9.41 'Iya' camilhuo' al łınca: Cal xans naimetsaicopolhuo' imanc' alihuequi iya', ja'ni tinesla': “Ilne ilihuequi cal Cristo. Cuhui'i'mola' quiłja”, ilque cal xans tipa'a lolijya, ŁanDios tipaxne'ma.

9.42 'A'ijc'a loyaicoya cal xans naimenac'iya anuli ilna'a la'uhuary, ilne ał'huaiyinge iya'. Coła' ifinc'im'me łejoc' anuli cal cuecaj capic molino, coła' ecajm'mim'me łaja. Coła' ima'ma ate'a ai'a ti'e'ma ilıya lixcay.

9.43 'Ja'ni lomane ti'e'ma lixcay, itatejla' nulemma! Ja'ni tocuaitsi al muf petsi łunga aimipica, łte cofecoya oque' lomane'? Tama le'a anuli lomane, ja'ni ti'i'ma tołsufaita petsi lopitine aimijouya, xonca al c'a toyaicota.

9.44 9.45 'Ja'ni lo'mis ti'hua'a'mo' petsi to'e'ma lixcay, itatejla' nulemma! Ja'ni tecajm-mitso' al muf, łte

cofecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

9.47 9.48 'Ja'ni lo'u timenac'ihuo', itaipa'a! Ja'ni tecajm'mitso' al muf petsi lapimí aimimala', ti'hua titeji, petsi aimijaf'que latefcoya, aimipica lunga, ¿te cofecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi ÆanDios, ique cal Cuecaj Rey, xonca al c'a toyaicota.

9.49 'Jahuay łotsufconyacu ÆanDios ticuicomma tetenfinle, tofiya ti'em'me co'hue, tole ÆanDios tepenuf'ma. Jouc'a lan xanuc' lihpicejma' ticuicomma tetenintsola', ticuicomma titefco'me, tole ÆanDios tepenufna'mola'.

9.50 Ło'hue ipenic'. Ja'ni tejac'la' lic'a, ¿te conf'ecoyacu ło'hue? Imanc' aimi'i'molhuo' to ique ło'hue łejac'pa lic'a. Aimoľfuli'i'moľtsi cataiqui'. Toľnanc'otsoľtsi.

10.1 Jesús ipanni al distrito Galilea, icuaiti al distrito Judea. Ie łamats' locuena liju' al cuecaj panaj Jordán. Icuaiyocona'me axpela' lan xanuc' jilpe pe lopa'a Jesús. Ique ma to mi'ay timuc'iyale.

10.2 Icuaiyunca jouc'a lam fariseo. Ehuaiconame, icuis'e'me:

—¿Te cal xans nipajnya tecana'i'ma hipeno, o aimi'iyaya?

10.3 Jesús italai'e'e'mola', timila':

—¿Te quiniłpa Moisés? ¿Te coya'apa lonf'eyacu?

10.4 Italai'e'e'me, timiyi:

—Moisés iniłpa: “Cal xans tiniłla' anuli lije'e lacanaicoya hipeno. Tijoula' tecana'i'ma.”

10.5 Jesús timila':

—Moisés ixina' ata lołpicuejma' imanc', tołta'a quiniłcopa.

10.6 Al te'a a'i tołta'a licuxeyalepa ÆanDios. Lilanc'epa li'a łamats' ÆanDios ilanc'e'mola' “... cal xans y laca'no”.

10.7 Icuama: “Cal xans tipo'no'mola' qui'ailli' qui'máma', tileco'ma hipeno. Tejonhi'moľtsi.

10.8 Loquexi' ti'e'e'moľtsi to anuli le'a.” Tołta'a i'ipola' anuli, a'i oquexi'.

10.9 ÆanDios ixpic'epa tołta'a tejonhi'mola', tołta'a ti'e'e'mola' anuli. Lan xanuc' aimi'iyaya menajyacola'.

10.10 Licuaitsa lajut'ł ts'ilihuequi Jesús icuis'e'me to joupa licuis'epa lan xanuc' fariseo.

10.11 Jesús timila':

—Tama cal xans tecanaiła' hipeno, ma' ipeno. Ja'ni tilecoła' ocuena caca'no', ixcay ile lo'eya. Ma' anuli lo'eya to ihe nahuepá quilecał'no'.

10.12 Jouc'a laca'no'. Tama tecanaiła' hipe'ailli', ma' ipe'ailli'. Ja'ni tihuejla' ocuenaj xans ixcay ile lo'eya. Ma' anuli lo'eya to lacał'no' nahuepá quiłxanuc'.

10.13 Jilpiya pe lopa'a Jesús ticuai'enspolá' la'uhuy. Tixa'hueyi tixpayaf'tsola', tipaxnetsola'.

Ts'ilihuequi Jesús italem'mola' iłniya ts'ilejma quiłnaxque'.

10.14 Jesús lixim'mola' ts'ilihuequi tołta'a lo'epa aiqutenłcocojma, ixtuc'o'mola'. Timila':

—Aimołpa'ne'mola' la'uhuy. Tiyouyunca pe laifpa'a. Lan xanuc' notsufliayacu pe locuxeyopa ÆanDios ti'onłcospola' to iłna'a la'uhuy.

10.15 Iya' camilhuo' al linca: Cal xans ja'ni jahuay łunxajma' tihuequi litaiqui' ÆanDios locuxepa, ma to laihuejpa la'uhuy, ique cal xans titsufai'ma pe lopa'a ÆanDios. Ja'ni a'i, aimitsufaiya.

10.16 Jesús ipulc'o'mola' la'uhuy, ixpayaf'mola', ipaxne'mola'.

10.17 Ipango'ma ti'hua'ma Jesús, icuaico'ma anuli cal xans tinu. Exc'onlingai'ma Jesús, icuis'e'ma:

—Cunc'a comxi, ¿te caifeya culijla' laipitine aimijouya?

10.18 Jesús timi cal xans:

—¿Te calmicopa iya' ninca? Le'a ÆanDios copa'a cal C'a. Ailopa'a cocuena.

10.19 Ima' oxina' locuxepa ÆanDios. Ie lataiqui' tuya'e': “Aimoxhuico'ma ocuena caca'no', ma le'a

lopeno. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. Taihuejco'mola', totoc'i'mola', co'ailli', co'máma'.”

10.20 Cal xans timi Jesús:

—Momxi, cañtojomma ca'ay toña'a, jahuay ihiya.

10.21 Jesús ehuelojm'ma cal xans, etenlcoco'ma lipicuejma', timi:

—Linca, tipa'a lahue'epo'. To'huanla', tocujsi jahuay lo'hueca. Al tomí lofmulijya tapi'itsola' pe lahue'epola'. Toña'a ti'i'ma co'huexi jipu'hua lema'a. Tijoula' tocaicoconno pe laifpa'a, lihuej'ma.

10.22 Licuej'ma jiñe lataiqui' ic'ommai'ma. Acueca' juaiconapa hi'huexi. Thuaña'ma tixhuelma.

10.23 Jesús ehuelojm'mola' ts'ilihuequi, timila':

—Lan xanuc' ts'ihueca juaiconapa afule mitsufaiyacu pe locuxeyopa ÑanDios.

10.24 Ts'ilihuequi aiquilcueca jiñe lines'ma Jesús. Ticuayi: “¿Te conescopa toña'a?” Jesús timiconala':

—Cunc'ainaxque', lan xanuc' no'huaiyijmpá hi'huexi afule mitsufaiyacu pe locuxeyopa ÑanDios.

10.25 ¿Te aga cal camello tuyaico'ma laquipihuo lacuxa? Iya' camilhuo': Cal xans ts'ihueca juaiconapa tixim'ma xonca lipime mitsufaiya pe locuxeyopa ÑanDios.

10.26 Licuej'me toña'a ts'ilihuequi Jesús ixim'me ipime juaiconapa iñe lataiqui'. Imiconamotsti:

—Aicalcueca iñe lataiqui'. ¿Te ailopa'a conñuya?

10.27 Jesús ehuelojm'mola', timila':

—Lan xanuc' quilituca' aimi'ya monñu'eyacoñsi. ÑanDios linca nipajnya tunñu'e'mola'. Iñiñi jahuay nipajnya ti'e'ma, aimixina quipime.

10.28 Pedro timi Jesús:

—Illanc' aipo'nonapá jahuay, lihuejhuo'.

10.29 Jesús italai'e'e'mola' ts'ilihuequi, timila':

—Iya' camilhuo' al linca: Cal xans nocuapa: “Quihuequi Jesús, jouch'a quihuequi Lataiqui' loya'apa lixpicepa ÑanDios”, ja'ni jouch'a ipo'nopa lejut'i, ipo'nopola' lipimaye o qui'máma' qui'ailli' o linaxque' o lemats'.

10.30 iñque cal xans mipa'a fa'a li'a lamats' tulij'ma amaxnu xonca. Tama tihuetsoquinñe tulij'mola' axpela' qui'máma', quipimaye, quinaxque', quejut'hi, quemats'. Ticuaiti locuaicoya quitine tulij'ma lipitine aimijouya.

10.31 Axpela' lan tet'la xanuc' ti'i'mola' lijoucola'. Jouch'a lijoucola', axpela' iñniya, ti'i'mola' lan tet'la.

10.32 Miyeyi lane tifajliyi Jerusalén Jesús i'huaj'me'mola' ts'ilihuequi, iyenc'e'me iñniya.

Tixhuelmot'leyi, ticuayi liñpicuejma': “¿Te co'ya Jesús?” Lan xanuc' locuenaye tihuejyi tixpailiquila'.

Jesús iñojf'i'mola' limbamaj coquexi', u'i'mola' loyaicoya mañque quituca'.

10.33 Timila':

—Imanc' oñsina' añfajliyi al cueca' quitya' Jerusalén. Iya' iñque cal Xans Liximpa cal profeta pu'hua lema'a. Jiñpiya añcunna. Lixanuc' cal cuecaj ca'ailli', jouch'a lomxiye nomuc'iyalepá locuxepa ÑanDios, alacani'eta añma'anla' locuenaye xanuc', iñniya a'i judío.

10.34 Iñniya añtaluntseta, añtsuñc'ota lai'a, luntafquinna, añma'ata. Afanej quitine camañina'ma.

10.35 Jacobo jouch'a Juan, iñne linaxque' Zebedeo, iñoc'oñai'me pe lopa'a Jesús, timiyi:

—Momxi, añpic'a ima' lapi'itsonga' ma to lañsahue'eyaco'.

10.36 Jesús timila':

—¿Te ts'oñpic'a? ¿Te cañfnepi'iyacolhuo'?

10.37 Iñniya timiyi:

—Lapi'itsonga' lane añcuxeta anuli ima'. Añcutsingaito', anuli illanc' al c'a camane, locuena loxa camane.

10.38 Jesus timila':

—Imanc' aicoñsina', aicoñcueca iñe lañsahue'epa. Añmiña': ¿Te imanc' nipajnya toluyalaico'me to iya'

laifnuyaicoya? ¿Te nipajnya toltelco'me to laiftelcoya?

10.39 Ihniya timiyi:

—Nipajnya.

Jesús timila':

—Ma' alinca imanc' toluyalaico'me to iya' laifnuyaicoya. Toltelco'me to iya' laiftelcoya.

10.40 Iya' aimi'ya camiyacolhuo': "Alcutsingaita anuli al c'a camane, locuena loxa camane". Ailopa'a tohta'a laimane. LanDios joupa ixpic'epa nailne nocutsołaiyacu jilpiya. Ma' ihniya ticutsołaita.

10.41 Locuenaye limbama' ts'ilihuequi Jesús icuej'me loxahue'epa Jacobo y Juan. Ipango'me ixtulencia.

10.42 Jesús ijoc'i'mola', timila':

—Imanc' ołsina' li'ejma' lan xanuc' pe aimimetsaicoyi LanDios. Hne lihpincuxepá ti'e'eyołtsi to lapoujnalá. Ts'itpenic' ticuxenaiyi juaiconapa.

10.43 Imanc' aimon'e'me tohta'a. Ja'ni anuli imanc' ipic'a ti'e'exoxi xonca acueca', ilque titoc'itsola' lipimaye.

10.44 Ja'ni anuli imanc' ipic'a ti'e'exoxi cal te'a, tixpic'ela' titoc'itsola' jahuary lifas xanuc'.

10.45 Iya' ilque cal Xans Liximpa cal profeta pu'hua lema'a. Laicuai'ma fa'a li'a łamats' aicanesqui: "Lan xanuc' ałtoc'ila' iya'". Aicuaicoco'ma catoc'itsola', cacula' laipitine. Ca'najcufmola' liłjunac' axpela' lan xanuc', cunhu'e'mola'.

10.46 Icuaitsa liłya' Jericó. Uyalaico'me liłya', ipalunca. Axpela' lan xanuc' tihuejyi Jesús. Jilpe lema cane ticutsu anuli cal fo'. Tixa'hue quitomí. Hque cuftine Bartimeo, i'hua Timeo.

10.47 Icuej'ma tinesyi lan xanuc': "Icuai'co'ma Jesús łas Nazaret". Cal fo' ipango'ma ija'a'ma, timi:

—iJesús, ima' otatahuelo cal rey David! iAłsinla' nincuanuc'!

10.48 Axpela' lan xanuc' itale'me, timiyi:

—iTi-ch'ixcotso'!

Tija'e' xonca ujfxi, ticua:

—iIma', otatahuelo cal rey David! iAłsinla' nincuanuc'!

10.49 Jesús ecax'ma, icuxe'e'mola' lan xanuc', timila':

—Tołjoc'ile cal fo'.

Ijoc'i'me, timiyi:

—Aimixpaij'mo', aimoxhuełmot'le'ma. Totsahuenni. Tijoc'ihuo'.

10.50 Cal fo' eca'ni'ma lipuquiya, iyuf'conni, ecax'ma. I'hua'ma icuaitsi pe lopa'a Jesús.

10.51 Jesús icuis'e'ma cal fo', timi:

—¿Te caife'eyaco'? ¿Te ts'opic'a?

Cal fo' timi:

—Momxi, aipic'a cahuetsalela'.

10.52 Jesús timi:

—To'huanla'. Joupa ałhuaijympa, ixalconapo'.

Aiquico'ma, exilinanni li'u'. Ipango'ma ihuej'ma Jesús pe lotsepa.

11.1 Tiyeyi lane ticuaita Jerusalén. A'ij culi' ile liłya'. Icuaitsa hijuala Olivo pe lopa'a liłelołya' Betfagé jouc'a Betania. Jesús umme'mola' oquexi' ts'ilihuequi,

11.2 timila':

—Tonlele liłya' lehuoc'ocojma. Jilpe lołtsuflaiyacu liłya' tołsinna tifijnya anujnca anuli ła'hua burro. Hque cal burro aiqenafcaiyinni. Toluhualtsa. Tołhua'anca.

11.3 Ja'ni ticuis'entsolhuo', timintsolhuo': "¿Te culuhualcopa cal burro?", imanc' tołtalai'e'e'me, tołmi'me: "ŁalPoujna ipicuiya tixhuicota. Tijoula' ticuai'enacu."

11.4 Iye'me ts'ilihuequi. Ixintsa ła'hua burro tifijnya lane pe lopa'a al puerta. Uhuałma.

11.5 Oquexi' afantsi tecaxoʔanna jiʔpiya icuis'e'me, timinnila':

—Imanc', ¿te culuhuaʔcopa cal burro?

11.6 Ts'ilihuequi Jesús italai'enca ma to limipola'. Lan xanuc' icu'me lane, ileco'me.

11.7 Icuai'etsa ʔa'hua burro pe lopa'a Jesús. Ixpefi'me liʔpijahua' lixpula' cal burro. Jesús icutsafcai'ma.

11.8 Axpela' lan xanuc' ixpou'me lane liʔpijahua', ocuenaye ixpou'me imane' c'ec joupa ixquejpa'.

11.9 Lan xanuc' ilej'me jouc'a ts'ilenc'e tija'ayi, ticuayi:

—iHosana! iʔanDios tunʔu'eatso', tipaxnetso'! ʔanDios ummepo'.

11.10 iIma' aʔcuxe'monga' al c'a! iAʔcuxe'monga' to cal rey David licuxepola' laʔtatahueló! iToʔta'a aʔpaxne'monga' ʔanDios! Ine nomana' lema'a jouc'a tinesle: “iʔanDios tunʔu'eatso'!”

11.11 Jesús itsufai'ma liʔya' Jerusalén. I'hua'ma al cuecaj xoute'. Joupa if'acoʔaipa. Ehuelojm'mola' lan xanuc', te ts'i'ic' lo'epa jiʔpiya. Ipanni. Jouc'a limbamaj coquexi' ts'ilihuequi iye'me lane liʔya' Betania.

11.12 Lihuequi litine ipalunca jiʔpe liʔya Betania ipailiconamma Jerusalén. Miyeyi lane Jesús tunle'e.

11.13 Tehuelonge aculi' ixim'ma anuli la'icux. Ixim'ma tipa'a ʔipela. I'hua'ma ixinti al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui ʔi'as icux.

11.14 Jesús timi la'icux:

—Nij naitsi noteja lo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

11.15 Licuaicontsa Jerusalén Jesús itsufaicona'ma pe lopa'a al cuecaj xoute'. Jiʔpiya ipango'ma ipa'a'mola' nocucalepa' jouc'a no'najualepa'. Ejualaife'e'mola' liʔmesa ine nopai'ipaj tomí. Jouc'a nocujpa' lan cucú ejualaife'e'mola' liletayats'.

11.16 Ine liʔtaic' locujyacu aiquepi'ila' lane muyalaiyacu ʔuna xoute'.

11.17 Timuc'ila' lan xanuc' nomana' jiʔpiya, timila':

—Lataiqui' loya'apa locuxepa ʔanDios ticua: “Jiʔpe lainejut'ʔ ticuaicu lan xanuc', ine tiyouyunca ni petsi li'a ʔamats', jiʔpe aʔpalaic'o'ma”. ʔanDios ecuej'micopa iʔta'a lejut'ʔ. Itsiya tocomma a'i quejut'ʔ ʔanDios.

Ti'onʔcospa to ʔunts'eja' pe lafoʔyomma lan namats'. Toʔta'a lon'epa imanc'.

11.18 Lixanuc' cal cuecaj ca'ailli' jouc'a lomxiye nomuc'iyalepa' locuxepa ʔanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' iʔpic'a lomuc'iyalepa iʔque.

Ehue'me te co'ia mima'ayacu.

11.19 Lifacoʔaijma Jesús jouc'a ts'ilihuequi ipalconanca liʔya'.

11.20 Lihuequi litine uyalacocona'me maʔe lane. Ixim'me la'icux joupa ijuʔnapa jouc'a ʔime.

11.21 Pedro i'nujaitsi lines'ma Jesús, timi:

—Momxi, itoxinʔa' la'icux! Ima' omi'ma cataiqui', joupa ijuʔnapa.

11.22 Jesús italai'enni, timila' ts'ilihuequi:

—Imanc', ti'hua toʔhuaiyijnle ʔanDios.

11.23 Iya' camilhuo': Cal xans no'huaiyijmpa ʔanDios nipajnya ticuxe'ma iʔca'a ʔijuala, timiʔa':

“To'huaʔa', to'nij'mixoxi ʔaja”. Ja'ni ma ti'huaiyinge, ja'ni ailopa'a conesya, iʔque tixim'ma ti'i'ma ma to licuxe'epa.

11.24 Iya' camilhuo': Ja'ni toʔhuaiyijnny ʔanDios, ja'ni toʔcuayi: “Joupa lapi'iponga' laʔsahue'epa”, ihiya ʔinca tepi'i'molhuo'.

11.25 Moʔpalaic'oyi ʔanDios, ja'ni tolixuc'oyi anuli ʔoʔpima aimi'hua molixuc'ocona'me. Iʔque ʔoʔpima tolimenc'e'ecole lixcay li'e'epolhuo'. Toʔta'a coʔAilli' Nopa'a lema'a timenc'e'eco'molhuo' jouc'a lixcay lo'epa.

11.26 Ja'ni aimolimenc'e'ecoyi, coʔAilli' Nopa'a lema'a jouc'a aimimenc'e'eyacolhuo'.

11.27 Icuaiyocontsa liŷya' Jerusalén Jesús ti'hua jilpe luna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa ÆanDios, jouc'a lan xanuc' noxpipjá lataiqui', iŷoc'olai'me pe lopa'a Jesús,

11.28 timiyi:

—¿Naitsi nummepo' to'ela' toŷta'a? ¿Naitsi nepi'ipo' lane?

11.29 Jesús timila':

—Iya' quicuis'e'molhuo' jouc'a. Altalai'ela'. Tijoula' cami'molhuo' naitsi nalapi'ipa laimane ca'ela' toŷta'a.

11.30 Lu'ila': ¿Naitsi nepi'ipa limane Juan tepo'itsola' lan xanuc'? ¿Ja'ni ÆanDios nepi'ipa o ma le'a lan xanuc' epi'i'me?

11.31 Iñiya ticuis'eyoŷtsi, timiyotŷsi:

—Ja'ni aŷmife: “ÆanDios epi'ipa limane”, Jesús aŷmi'monga': “¿Te aicolapenufi iŷque?”

11.32 O ¿aŷmife: “Lan xanuc' epi'ipá limane”? A'i, aimi'iya maŷmiyacu toŷta'a. Lixtuc'o'monga' lan xanuc'.

Iñe lixanuc' cal cuecaj ca'ailli' jouc'a lomxiye nomuc'iyalepá locuxepa ÆanDios tixpailiquila'. Lan xanuc' ticuayi: “Juan Bautista aprofeta, ÆanDios ummepa”.

11.33 Italai'e'e'me Jesús, timiyi:

—Aicaŷsina'.

Jesús timila':

—Iya' jouc'a aicamiyacolhuo' naitsi nalapi'ipa laimane.

12.1 Jesús ipango'ma i'onŷico'ma lo'epa ÆanDios fa'a li'a ŷamats'. Timila':

—Anuli cal xans ifapa ŷemats' ŷaifa' uva. Eti'ico'ma aitaŷ. Ipupa pe lotsuj'miyacu loxoc'eyonyacu lan 'uva, tipa'a'me laquija'. Ilanc'e'ma anuli li'nofquiya lajut'ŷ, jilpiya tipajm'ma no'eya cuenna lan 'uva. Icu'ma ŷemats' lan xanuc' ti'etsa canic', tulij'me onŷca ŷaipammaiya. Aculi' i'hua'ma.

12.2 Licuaitŷi litine lipammaitsi lan 'uva umme'ma anuli ŷimozo. Timitola' lin'epá canic': “Lapi'ila' li'huexi ŷaipoujna”.

12.3 Lin'epá canic' i'noŷ'me cal mozo. Ummena'me. Aiquilepi'i.

12.4 ŷapoujna ummecona'ma ocuena quimozo. Licuaitŷi jilpiya lin'epá canic' ixcai'e'me lijuac, imiloj'me cataiqui'.

12.5 Ummecona'ma ocuenaj mozo. Iŷque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

12.6 'Ipanenni ma le'a anuli naitŷi ŷommeya. Iŷque i'hua, ti'ay capic'a juaiconapa. Umme'ma. Icu'ma: “Tixpaic'eta ŷai'hua”.

12.7 Lin'epá canic' timiyotŷsi: “Iŷque i'hua ŷipoujna camats'. Aŷma'aŷe. Tijoula' aŷma'aŷe illanc' ticuainata caŷmane cal 'huexi.”

12.8 Iñe i'noŷ'me ŷamijcano, lima'a'me, ipa'a'me iŷe ŷamats' pe lifapa ŷaifa'.

12.9 'ŷipoujna camats', ¿te co'e'eyacola' iñe lin'epá canic'? Iya' camilhuo': ŷapoujna ti'hua'ma pe lomana' iñiya lan xanuc', tima'atola'. ŷemats' lifapa ŷaifa' uva tepi'i'mola' ocuenaye lan xanuc'.

12.10 '¿Te a'i colŷuec' al Paxi Liniñingiya loya'apa te ts'i'ic' lo'iya? Ticua:

ŷapic' ŷetets'ipa nolanc'epá lajut'ŷ, i'ipa xonca ŷaicuicoya.

Iŷque ŷapic' xonca tilanc'e ŷaitaŷ aimecangeya lajut'ŷ.

12.11 ÆanDios ŷaŷPoujna toŷta'a ŷecuej'micopa.

Illanc' aŷsinyi acueca' iŷe li'ipa.

12.12 Lixanuc' cal cuecaj ca'ailli' jouc'a lomxiye nomuc'iyalepá locuxepa ÆanDios ixtuc'o'me Jesús, ticuayi: “Iŷque Jesús a'onŷiconga' to iñe lixcay lin'epá canic' jilpe ŷamats' lifampa cal 'uva”. Ehue'me te co'iya mi'noŷyacu Jesús. Ailopa'a qui'e'epa. Tixpaic'ennila' lan xanuc'. Ipo'no'me jilpe. Iyena'me.

12.13 Ummem'mola' lan xanuc' fariseo jouc'a lixanuc' cal rey Herodes. Ticuis'mot'leta Jesús. Tehuaita. Ehue'me te co'ya micufyacu.

12.14 Icuaitsa, timiyi Jesús:

—Momxi, alsina' ima' tonesqui al linca. Aimahuay latentcocopola' lan xanuc'. Ma' anuli topalaic'ola' jahuay. Aimahuelongila' ja'ni i'hueca o aiqui'hueca. Tomuc'iyale lipene LanDios. Itsiya licuis'ehuo', ¿te al'najtse'eta al tomí lalsahue'eyaconga' cal cuecaj quincuxepa, ilque César? O ¿aima'najtse'eyacu? Alu'itsonga', ¿nipajnya o aimi'ya?

12.15 Jesús ixina' te ts'i'ic' lihpicuejma' ihniya. Ipic'a tifel'mile. Ma le'a ti'e'eyo'tsi to lan c'a xanuc'.

Timila':

—¿Te calahuaicopa? Ahtai'etsi anuli al tomí, caxinla'.

12.16 Itai'etsa. Jesús icuis'e'mola', timila':

—Ita'a al tomí, ¿naitsi itca'a ts'i'a? ¿Naitsi ita'a ts'ipuftine?

12.17 Italai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'ite César. Ja'ni i'huexi LanDios, tolapi'ite LanDios.

Licuej'me Jesús litalai'epola' icuapá:

—iXinla'! Acueca' lipicuejma' Jesús.

12.18 Lijou'ma icuaitsa pe lopa'a Jesús lan xanuc' saduceo. Ihe naihuejpá lataiqui' loya'apa: “Lan xanuc' tima'mola' nulemma, aimimafiyacu”. Jouc'a tehuaiyi Jesús, icuis'e'me, timiyi:

12.19 —Momxi, pe liniŋpa Moisés alcuxenga', tuya'e': “Cal xans timala', ma' imafi' hipeno ailopa'a qui'hua, hipima tileco'ma hi'maxi. Tipajntsi qui'hua tecui'i'me lipuftine himanapa. Timetsaicom'me to qui'hua himanapa. Tepi'im'me hi'huexi himanapa.”

12.20 Itsiya lu'i'mo' li'ipa.

Timana' acaitsi lapimaye. Cal te'a ileco'ma hipeno. Ailopa'a qui'hua. Imanapa.

12.21 Hipima himanapa ileco'ma hi'maxi. Ailopa'a qui'hua, jouc'a imana'ma.

12.22 Jouc'a locuena hipima ileco'ma hi'maxi. Ma' anuli uyaico'ma. Locuenaye amalujxi lipimaye ma tohta'a luyalaico'me. Jouc'a ileco'me hi'maxi, anuli anuli imana'mola'. Aiqui'sina' qui'hua. Lijou'ma imana'ma łaca'no' jouc'a.

12.23 Lan caitsi joupa ilecopá łaca'no'. Itsiya lu'itsonga': Ticuaitsi litine timaf'inale limanapola', ¿naitsi co'ya hipe'ailli'?

12.24 Jesús timila':

—Imanc' timenaquilhuo'. Aico'sina' loya'apa al Paxi Liniŋgiya, aicolimetsaijma al cuecaj lo'epa LanDios.

12.25 Timaf'inle lan xanuc' tipalnacu pe lomana' limanapola', ihniya aimemalliyacu, ni laculhue ni laca'no'. Ti'onłcotola' to lapaluc' quema'a.

12.26 Imanc' tołcuayi: “Aimimafiyacu limanapola'”. ¿Te aico'suec' liniŋpa Moisés? Jiłpe tuya'e' li'ipa litine lonajpa lac'ec. Ihe litine LanDios timi: “Iya' NanDios, ilenDios Abraham, Isaac y Jacob”.

12.27 LanDios a'i quilenDios limanapola'. Iłque ilenDios ts'iłmafi'. Imanc' juaiconapa timenaquilhuo'.

12.28 Jiłpe tipa'a anuli łomxi nomuc'iyalepa locuxepa LanDios. Tiquimfe ihnu'hua laicuis'mot'lepa Jesús, ticueca Jesús titalai'e'ela' al c'a. Ipalai'c'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa LanDios?

12.29 Jesús italai'e'ma, timi:

—Ihe lataiqui' xonca al cueca' tuya'e': “Ałquimfe'la', imanc' ixanuc' Israel. LanDios, łalanDios, ma' ilque

anDios. Ailopa'a cocuena.

12.30 Ima' to'nujuaitsi ŁanDios łoPoujna. Ique omenDios. Taihuejla' jahuay łomunxajma', jahuay ło'alma, jahuay łopicuejma', jahuay łopujfxi.”

12.31 Locuena lataiqui' locuxepa ŁanDios tuya'e': “Ima' to'eyoxi capic'a. Ma tołta'a to'ela' capic'a łofas xans, naitis łoftalecufya.” Ilna'a atsila' cataiquí. Xonca atsila' ailopa'a.

12.32 Łomxi timi:

—Momxi, ac'a lotaiqui' lonespa. Ma' al łınca łofcuapa. Tipa'a anuli ŁanDios, ailopa'a cocuena.

12.33 Ał'nujuaisle ŁanDios, alihuejle jahuay łalunxajma', jahuay łapicuejma', jahuay łapujfxi. Ał'etsola' capic'a łafas xanuc' ma to mał'eyołtsi capic'a. Ja'ni tołta'a ał'eyi, ticuaispa quipic'a ŁanDios. Ja'ni aimal'eyacola' capic'a łafas xanuc', tama ałtsufcołe łopi'epa jilpe al altar, ilē lał'ejma' aimicuaispa quipic'a ŁanDios.

12.34 Jesús ixim'ma łomxi ac'a łipicuejma'. Italai'e'e'ma, timi:

—Ahuata lahue'epo' motsufaiya pe locuxeyopa ŁanDios, iłque cal Cuecaj Rey.

Lijou'ma ailopa'a quicuis'epa, ni anuli. Ihsina' tulijna'mola' Jesús.

12.35 Mipa'a Jesús pe łopa'a al cuecaj xoute' ti'hua timuc'ila' lan xanuc'. Timila':

—Łomxiye nomuc'iyalepá locuxepa ŁanDios ticuayi: “Cal rey David itatahuelo cal Cristo”. ¿Te conescopa tołta'a?

12.36 Ituca' lonespa iłque cal rey David. Muya'e' lataiqui' lu'ipa cal Espíritu Santo tuya'e':

ŁanDios ipalaic'o'ma łaiPoujna, timi:

“Tocutsaila' jifa'a al c'a camane.

Topanehuo fa'a, iya' mi'hua culiquila' lo'epo' laic'.

Tijoułá, ima' tocuxena'mola'.”

12.37 Małque David inesco'ma cal Cristo, ticua “... łaiPoujna”. Ja'ni David itatahuelo cal Cristo, ¿te conescopa tołta'a?

Axpela' lan xanuc' noquimfepá lomuc'iyalepa Jesús icuaitis quilpic'a juaiconapa litaiqui'.

12.38 Mimuc'iyale Jesús tu'ila':

—Tołpo'nołe cuenna, aimifel'mi'molhuo' lomxiye nomuc'iyalepá locuxepa ŁanDios. Iłniya ilpic'a tipo'nołe łilpijahua' axehuay, tiyelocota to lan tsilaj xanuc'. Miyelocota jipu'hua pe lomana' axpela' lan xanuc', ilpic'a tinonintsola'.

12.39 Łajut'hi pe lafołyomma lan xanuc' ilpic'a ticutsołaiłe xonca jipu'hua li'huáqui. Ja'ni tijoc'innila' tixmocota ilpic'a ticutsołaiłe petsi locutsołaiyacu lan tsilaj xanuc'.

12.40 Tijoutsafennila' il'huexi laca'no' lam potsateya. Mi'eyi tołta'a ti'e'eyołtsi to lan c'a xanuc'. Ticoli tipalaic'oyi ŁanDios. Tijoułá, xonca titeł'mi'mola' ŁanDios.

12.41 Jesús ticutsu al cuecaj xoute' tehuelongila' lan xanuc' mi'nij'mi'me liłtomí jilpe al caxax. Axpela' lan xanuc' ts'il'hueca xonca ti'nij'miyi acueca'.

12.42 Icuaitis jilpiya anuli łaca'no' apotsate. Ailopa'a caquitomí. Inij'mi'ma oque' al tomí acobre. Ailopa'a quipitali.

12.43 Jesús ijoc'i'mola' ts'ilihuequi, timila':

—Iya' camilhuo' al łınca: Iłque cal potsate, aiqui'hueca, ulijpola' locuenaye. Etoj'mipa xonca.

12.44 Locuenaye ni'nij'mipá liłtomí jilpe, ilniya aimehue'ela'. Tipanemma acueca' liłtomí. Iłquiya łaca'no' ailopa'a quipaneya, etoj'mipa jahuay, ailopa'a co'nacoya łoteja.

13.1 Mipalumma al cuecaj xoute' Jesús jouc'a ts'ilihuequi, anuli ts'ilihuequi timi Jesús:

—Momxi, itoxinla'! iAtsila' ilne łapic' lilanc'ecompa al xoute'! iAtsila' łajut'hi!

13.2 Jesús timi:

—Itsiya toxina ihnu'hua atsila' hajut'hi. Ticuaihuo litine jahuay tetequehuo. Ni anuli lapic mipo'nofqueya locuena capic.

13.3 Micutsu Jesús hijuala Olivo, al huenajmay al cuecaj xoute', Pedro, Jacobo, Juan jouc'a Andrés ihoc'olai'me pe lopa'a. Icuis'e'me, timiyi:

13.4 —Lu'itsonga', ¿te quitine mi'iya lofnespa? ¿Te co'iya mi'iya calsina' aimico'ya lo'iya iliya? ¿Te jale malsinyacu?

13.5 Jesús ipango'ma u'i'mola' timila':

—To'po'note cuenna. Ja'ni a'i tifel'mi'molhuo'.

13.6 Ticuaicu axpela' linfel'miyale, tines'me anuli anuli: “Iya' ninCristo, LanDios alummepe”. Ihniya tifel'miyale'me. Axpela' lan xanuc' tepenuf'me lihtaiqui'.

13.7 'Imanc' to'cuj'me tifulenni jouc'a tifulem'me. Aimixpailij'molhuo'. Ma to'ta'a ti'i'ma. Tico'l'ma locuaicoya Lijoujma Quitine.

13.8 Lan xanuc' nomana' anuli al nación tixtuc'o'me, tiful'e'me lan xanuc' locuenaj nación. Lixanuc' anuli cal cuecaj quincuxepa tiful'e'me lixanuc' locuena cal cuecaj quincuxepa. Ni petsi tinu'ma hunanto, ti'i'ma cumemma. Ma ti'on'cota to lipumla laca'no', to'ta'a tipango'ma al cueca' late'coya.

13.9 'To'po'note cuenna. Ticum'molhuo', ticuaita li'lhane lan tsilaj xanuc' noxpipjá lataiqui'.

Tilecom'molhuo' hajut'hi pe lafo'yomma lan xanuc'. Ji'pe tipam'molhuo'. Imanc' ts'alihuequi, to'ta'a lan xanuc' tixtuc'o'molhuo'. Tilecom'molhuo' pe lomana' lincuxepá jouc'a pe lomana' lan rey. To'ta'a ihne lan xanuc' ti'ihá' quihsina' naitsi iya'. Imanc' tulu'i'mola'.

13.10 'Ai'a ticuaihuo Lijoujma Quitine ni petsi li'a lamats' tuya'am'me te ts'i'ic' lixpice'epa LanDios, ihne lataiqui' ac'a loya'apa.

13.11 Litine ti'nofintsolhuo', tilecotsolhuo' pe lomana' lincuxepá, aimo'sue'mot'le'me. Aimocua'me lo'picuejma': “¿Te caltalai'e'ecoyacu?” Malpe al 'hora LanDios tepi'i'molhuo' lo'picuejma' to'talal'eco'me al c'a. Ihe lo'nesyacu a'i co'htaiqui' imanc', ma' itaiqui' cal Espíritu Santo. Iheque tipo'no'i'molhuo' lo'picuejma'.

13.12 'Lapima ticu'ma lipima tima'anle. Cal xans ticu'ma hi'hua. La'uhuay titsolicu, tixtuc'o'me qui'fai'illi' qui'máma'. Ticu'mo'hsi, tima'antsola'.

13.13 Imanc' ts'alihuequi ni petsi lo'hmanc'eyacu lan xanuc' ti'ejco'molhuo' laic'. Ja'ni to'snet'f'me, ticuaitsi Lijoujma Quitine tolun'ul'me.

13.14 'Ma to luya'apa cal profeta Daniel to'ta'a lo'iya. Ihe pe LanDios tilaiqui' tipo'nom'me petsi ailopa'a lane mipo'nonyacu.

(Naitsi noxhuefiyacola' ih'ta'a lataiqui' ticuec'ela'.)

'Ti'ihá' to'ta'a lo'iya, ja'ni to'lhana' al distrito Judea, tolinul—le, to'f'ajle hijualay.

13.15 Ja'ni topa'a al toncay lomejut'l' aimaimuhuo motsufai'ma lomejut'l'. Aimocua'ma: “Tipa'a laifpa'aya”. Aimico'l'mo'. Ma tainu'a'.

13.16 Ja'ni topa'a pu'huanni cal 'ec, aimopaiconahuo mommaf'huo lopuquiya. Ma tainu'a'.

13.17 'Acuanuc'la laca'no' linnaila' jouc'a notoc'alepá. Ihe litine juaiconapa tite'co'me.

13.18 To'sa'hue'le LanDios aimicuaihuo late'coya hitiné caxita.

13.19 'Li'a lamats' tama joupa ixhuaita axpe' camats' mipa'a, lan xanuc' nomana' aiquite'l'ma to lotecoyacu ihe locuaicoya quitine. Tijou'a' aimate'coconayacu to'ta'a.

13.20 Ja'ni LanDios tixpic'ela' tico'lsola' ihne hitiné ailopa'a con'uya. Joupa ixpic'epa aimico'lyacola' ihne hitiné. Tixinnila' cuanuc'la lixanuc' ji'ihne li'huij'epola', ipic'a tun'ul—le.

13.21 'Ji'ihne hitiné ja'ni timintsolhuo': “iToksine! Jifa'a icuai'ma cal Cristo”, o “Jipu'hua icuaita”, aimo'f'e'me linca lihtaiqui'.

13.22 Ticuaicu lan xanuc' nonespá: “Iya' ninCristo”, o “Iya' ninprofeta. Iya' canesqui lalupa LanDios.” Ihniya infel'miyale. Ti'e'me al cueca'. Ihipic'a tinesle lan xanuc': “Iheque linca ummepa LanDios”. Ma le'a tifel'miyaleyi. Co'la' tifel'mintsola' jouc'a li'huij'epola' LanDios. Aimi'iya mifel'minyacola'.

13.23 Tołpo'nołe cuenna. Joupa nu'ipolhuo' jahuay iłe lo'ya.

13.24 'Tijoutsola' iħne litiné catełcuya ticuaihuo litine: "Timufc'o'ma cal 'ora, cal mut'ła aimepalc'o'ya.

13.25 Lan xamna timefcołecu lema'a, jahuay lopa'a jilpe lema'a tife'nem'mola'."

13.26 Tijouła' ałsim'ma iya'. Iya' iħque cal Xans Liximpa cal profeta pu'hua lema'a. Caculaiconanni ħummahuay quimuyohuo. Ałsim'ma ninCuecaj Rey. Ałsim'ma ał'onłspa ma to ŁanDios.

13.27 Jiħe litine cumme'mola' lainepaluc' quema'a tiyełe tefot'łentsola' laixanuc' lai'ħuij'epola'.

Tileconnola' ni petsi lomana', iħne nomana' lo'huayomma łahua', nomana' lotsepa łahua', nomana' pe liyuf'ma cal 'ora, nomana' pe lofacaiyopa cal 'ora. Jahuay lipitoqui lipexpats'qui li'a łamats' tileconnola'.

13.28 'Lo'ipa al 'ec 'icux ti'onłcospa to lo'ya. iTołcuejle! Tołsinłe tuxcuaf'ela' limane' al 'ec 'icux ti'i'ma cołsina' icuaico'ma ħinu'.

13.29 Jouc'a litine tołsinłe lo'ipa ma to lainu'ipolhuo' ti'ila' cołsina' joupa aicuaico'ma.

13.30 Iya' camilhuo' al ħinca: Litiné ti'ila' to laifmipolhuo', lan xanuc' nomajnyacu fa'a li'a łamats' ti'onłtola' to lan xanuc' nomana' fa'a itsiya litine. Anuli ti'i'ma ħilpicuejma'.

13.31 Lema'a jouc'a li'a łamats' tijou'mola'. Laitaiqui' aimijouya.

13.32 'Nij naitsi ts'ixina' litine ni al 'hora cacuaiconaya. Aiquilłsina' lapaluc' quema'a, ni iya' i'ħua ŁanDios aicaixina' jouc'a. Ma le'a cai'Ailli' ħinca ixina'.

13.33 'Imanc' tołpo'nołe cuenna. Ti'ħua tołmaf'ile. Aimi'i'molhuo' to noxmaipá. Tipantsi cumlata. Ti'ħua tołsa'ħuełe ŁanDios. Aicołsina' te quitine cacuaiyoconno.

13.34 Itsiya lo'ipolhuo' imanc' ti'onłcospa to li'ipola' lam mozó mi'ħuana'ma ħilpoujna. Iħque łapoujna epi'ipola' ħilmane' ti'ele cuenna lajut'ł. Epi'ipola' ħilpenic', anuli anuli. Anuli ixc'ai'ipa ti'ela' cuenna al puerta, timi: "Aimoxmai'ma".

13.35 13.36 Jouc'a imanc' aimołmai'me. Tołpo'nołe cuenna. Ja'ni a'i cacuaiyunni ca'ħuajcoco'molhuo' tołsmayi. Aicołsina' te quitine cacuaiyoconno iya' ołPoujna. Aicołsina' te 'hora, ja'ni if'acołaiya, ja'ni nolojmay quipuqui', ja'ni mija'a'ma łangiti, ja'ni ħilic'ejma'.

13.37 'Ma to laifmipolhuo' imanc' jouc'a laifnu'ipola' jahuay, camila: "Tipantsi cumlata, aimołmai'me".

14.1 Tehue'e ma le'a oquej quitine ti'i'ma al juic Pascua. Iħne litiné titem'me ħa'i petsi aiquilal'inni levadura. Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ixpic'e'me tifel'miyale'me. Tehueyi te co'ya mi'nołyacu Jesús, tima'ale.

14.2 Ticuayi:

—Tijouła' al juic. Itsiya efołumma axpela' lan xanuc', tixtulecu.

14.3 Jesús tipa'a liħya' Betania lejut'ł Simón, iħque ħixalconapa licuana cuftine laħui lepra. Ticutsu Jesús titesma. Icuaitsi anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca' lipitali. Łaca'no' ixquej'ma łejoc' al pulu. Ixcua'fi'ma laceite ħijuac Jesús.

14.4 Oquexi' afantsi mimana' jilpe ixtulenca, timiyotłsi:

—Joupa ejac'pa laceite. ¿Te qui'ecopa tołta'a łaca'no'?

14.5 Acueca' lipitali, to mulij'ma cal xans no'epa canic' afane' maxnu quitine. Ja'ni coła' icuj'ma, coła' epi'i'mola' lan xanuc', iħne petsi aiqui'ħueca.

Tipalaicoyi quixcay łaca'no'.

14.6 Jesús timila':

—Tołe ti'ila'. ¿Te cołpo'nocopa quixħuejma' łaca'no'? Iħque i'epa al c'a. Latenłcocopa li'epa.

14.7 Imanc' tiłmana' lołpiħya' xanuc' petsi aiqui'ħueca. Aimijouyacola' iħniya. Jahuay litiné ti'i'ma tołpic'e'me te co'ya mołtoc'iyacola'. Iya' a'i. Iya' aimalcołya capajconaya fa'a li'a łamats'.

14.8 Iħca'a łaca'no' i'epa ma to li'ommaita. Ai'a ałma'ma ał'ħuaf'impa laceite laicuerpo. Joupa ałħanc'epa ai'a laminna.

14.9 Iya' camilhuo' al linca: Ni petsi loya'anyacu Lataiqui' loya'apa iŕe al c'a lixpice'epa ŁanDios, jouc'a tuya'acom'me li'epa iŕca'a łaca'no'.

14.10 Judas Iscariote, iŕque anuli limbamaj coquexi' ts'ilihuequi Jesús, i'hua'ma pe lomana' lixanuc' cal cuecaj ca'ailli', ticuta Jesús.

14.11 Iŕniya la'ailli' licuej'me locuapa Judas ixoconni quileta juaiconapa. Epi'i'me cataiqui' ti'najtse'me. Judas ipango'ma ehue'ma te co'iya micuya Jesús, ticuaita quiłmane la'ailli'.

14.12 Icuaiti al te'a litine al juic. Ihiya al juic titem'me łai' aiqilai'inni levadura. Jiŕe litine tite'me lam mot'ł loma'anyacola' jiłpe al juic. Ts'ilihuequi Jesús timiyi:

—¿Pe ts'opic'a całsmocoyoyacu al juic Pascua? Ałanc'eta jahuay.

14.13 Jesús umme'mola' oquexi' ts'ilihuequi, timila':

—Tonłełe al cueca' quiłya' Jerusalén. Jiłpiya tołtalecufta anuli cal xans itaic' lijuti caja'. Tolihuejtsa.

14.14 Iŕque titsufaiti anuli lajut'ł, imanc' jouc'a tołsufłaita. Tołmita łipoujna cajut'ł: “ŁałPomxi ticuis'ehuo': ¿Pe copa'a lajcuarto pe lałsmocoyoyacu al juic Pascua, iya' jouc'a ts'alihuequi?”

14.15 Timuc'itolhuo' anuli al cuarto lopa'a al toncay, joup'a ixhueya. Imanc' tołtaita łaltejacu, jiłpiya ałsmocota.

14.16 Iye'me ts'ilihuequi, itsuflai'me al cuecaj quiłya', ixim'me jahuay to limipola' Jesús. Ilanc'e'me łotejacu alxmocojma al juic.

14.17 Lifacolaipa icuaiyunca Jesús jouc'a limbamaj coquexi' ts'ilihuequi.

14.18 Micutsołanna, mixmocoyi, Jesús timila':

—Camilhuo' al linca: Anuli imanc' ałcuna'ma, anuli jifa'a łoxmocopa.

14.19 Ts'ilihuequi ixhuełmot'łe'me. Anuli anuli icuitsufma, timiyi:

—¿Te aga iya'? Iya' a'i.

14.20 Jesús timila':

—Unc'imbamaj coquexi' anuli imanc' alcu'ma. Iŕque ałjac'eyi łala'i anuli al pime.

14.21 Iya' iŕque cal Xans Liximpa cal profeta pu'hua lema'a. Cuyaico'ma ma to micua al Paxi Liniłingiya. Tama tołta'a laifnuyaicoya, cal xans łacuya a'ijc'a loyaicoya iŕque. Juaiconapa acueca' titełco'ma, ticua'ma: “Coła' aicaipajntsi iya”.

14.22 Mitetsoyi Jesús epefma anuli łai, ix'najtsi'i'ma ŁanDios, ixquenufma. Epi'i'mola' ts'ilihuequi, timila':

—Tołtełe. Ihta'a aicuero.

14.23 Ihuof'ma al vaso. Lix'najtsi'i'ma ŁanDios, uhui'i'mola' ts'ilihuequi. Jahuay ixna'me.

14.24 Timila':

—Ihta'a aijuats', tiłinc'i'ma al ts'e quitaiqui' ŁanDios lopo'no'ipola' lixanuc'. Iya' caxcuajai'ma laijuats' tunłul—le axpela'.

14.25 Iya' camilhuo' al linca: Jifa'a li'a łamats' aicaxnaconaya vino. Ticuaiti litine lan xanuc' tixinłe ŁanDios micuxe, jiŕe litine caxnacona'ma al ts'e vino.

14.26 Lijoupa lunac'copa ŁanDios ipalunca. Iye'me łijuala Olivo.

14.27 Jesús timi ts'ilihuequi:

—Ihta'a lipuqui' imanc' tołanaj'mołtsi, ałpo'no'ma caituca'. Ti'i'ma to muya'e' al Paxi Liniłingiya, ticua: “Caxcai'e'ma łipoujna lam mot'ł, iŕque tima'ma. Lam mot'ł teca'ne'mołtsi.”

14.28 Tijoula' camafinala' ca'hua'ma al distrito Galilea. Ca'huaicotolhuo' jiłpiya.

14.29 Pedro timi Jesús:

—Tixtuc'otso' jahuay laipimaye, tama tenajtsołtsi, iya' a'i.

14.30 Jesús timi Pedro:

—Cami'mo' al linca: Itsiya lipuqui' ai'a tija'a'ma łangiti oquemma, ima' tones'ma afanemma:

“Aicainimetsaijma Jesús”.

14.31 Pedro ti'hua tipalaic'o Jesús, ihui'ipa, timi:

—Tama ałma'atsonga' iya' ima', aicanesya: Aicainimetsaijma Jesús. Ni anulemma canesya tołta'a. Ma' anuli ines'me jahuay locuenaye.

14.32 Icuaita al lugar cuftine Getsemaní. Jesús timila' ts'ilihuequi:

—Imanc' tołcutsolaile fa'a. Iya' capalaic'ota ŁanDios.

14.33 Ilec'o'mola' Pedro, Jacobo jouc'a Juan. Ipango'ma tixina acueca' juaiconapa ile lo'iya, tixhuełma juaiconapa.

14.34 Timila' lam fantsi:

—Juaiconapa cahuosma, ma tocomma ałma'ma quixhuejma'. Tołmanenca jifa'a. Aimołsmai'me.

14.35 Uyai'ma huata, xipats'huai'ma łamats'. Tixa'hue ŁanDios ja'ni ti'i'ma tuyaicotsi jile al 'hora.

14.36 Timi:

—Abba, mai'Ailli', ima' jahuay nipajnya to'e'ma. Liłonc'e'ela' ilta'a laiftełcopa. Ma caxa'huehuo' tołta'a jouc'a camihuo': Ti'ila' lołxpic'epa ima', a'i latencocopa iya'.

14.37 Ipaiconanni, icuaita pe lomana' lam fantsi ts'ilihuequi. Ixim'mola' tixmaiya. Timi Pedro:

—Simón, ¿ima toxmay? ¿Te aimi'ya momafiya ni anulij hora?

14.38 Tołmaf'ile jahuay imanc'. Tołsa'huele ŁanDios titoc'itsolhuo' aimehuaiyim'mołhuo'. Imanc' tołcuayi: “Ałsnet'f'me”. A'i, aimi'ya. Lołcuerpo ailopa'a quipujfxi.

14.39 I'huacona'ma, tixa'hueconata ŁanDios. Ma' anuli ixahue'econa'ma.

14.40 Ipaiconanni icuaiyoconsi pe lomana' lam fantsi, ixingona'mola' tixmaiconayi. Tixinyi timufquemma li'u'. Ticui quilehui. Aiquiłsina' te cotalai'e'eyacu Jesús.

14.41 I'huacona'ma. Ipaiconanni. Joupa i'ipa afanemma. Icuaiyoconsi pe lomana' lam fantsi. Timila':

—Imanc', ¿ti'hua tołsmaiya? ¿Tolunxajya? Ne', ti'ila'. Ixhuaita lai'hora. Iya' ilque cal Xans Łiximpa cal profeta pu'hua lema'a. iTolsinle! Ałcu'ma. A'noł'ma lan xanuc', ilne aimimetsaicoyi ŁanDios.

14.42 iTolsolinca! iŁepá! Joupa icuaico'ma ilquiya łalcuya.

14.43 Mipalay Jesús icuaita Judas, ilque anuli limbamaj coquexi' ts'ilihuequi Jesús. Ilecola' axpela' lan xanuc' iltaic' li'espada jouc'a li'ec. Ilne lan xanuc' ummempola' lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios, jouc'a lan tsilaj xanuc' nołxpijpá lataiqui'.

14.44 Ilque łocuya Jesús joupa u'ipola' te ts'i'ic' mimetsaicoyacu Jesús. Joupa imipola': “Cal xans łaftuc'oya jilque toł'nołe. Tołecole. Aiminuc'e'molhuo'.”

14.45 Licuaita jilpiya Judas aiquicoł'ma iloc'huai'ma pe lopa'a Jesús, timi:

—iMomxi!

Ituc'o'ma.

14.46 Lan xanuc' i'noł'me Jesús. Aicux'mas'me.

14.47 Tipa'a anuli ts'ihuequi Jesús tecaxu jilpe. Ilque ipa'a'ma li'espada, ixcai'e'ma łimozo cal cuecaj ca'ailli', etec'e'e'ma lix'mas.

14.48 Jesús ipalaic'o'mola' ilniya licuai'me ti'nołe, timila':

—¿Te colcuaiyoco'me fa'a ottaic' loł'espada jouc'a lon'ec? ¿Ja'ni tołna'a a'nołla'? ¿Aga tołcuayi: “Ilque inma'ahuale”?

14.49 Itine itine ałmajmpá anuli jilpe al cuecaj xoute', aical'nołi. Ne', ti'ila' ma to loya'apa al Paxi Linilingiya. Ticuicomma tenanłla' jahuay ile lataiqui'.

14.50 Lixanuc' Jesús inulai'me, ipo'no'me Jesús quituca'.

14.51 Jilpe tipa'a anuli łamijcano ihuequi Jesús. Ilque łamijcano iju'eyoxi ma le'a lisábana. Jouc'a i'nołim'me.

14.52 Łamijcano ipanenni lisábana, inu'ma amila.

14.53 Ileo' me Jesús pe lopa'a cal cuecaj ca'ailli'. Jiłpiya efot'le'mołtsi lixanuc' cal cuecaj ca'ailli' jouc'a lan tsilaj xanuc' noxpıjpa lataiqui', jouc'a lomxiye nomuc'iyalepa locuxepa ŁanDios.

14.54 Pedro i'huanc'e'ma aculi'. Itsufai'ma ĩpuna quejutł cal cuecaj ca'ailli'. Jiłpe icutsingai'mola' lepaluc' cal cuecaj ca'ailli'. Jiłpe ĩunga tifununc'eyołtsi anuli.

14.55 Lixanuc' cal cuecaj ca'ailli' jouc'a jahuay noxpıjpa lataiqui' tehueyi naitsi nocufya Jesús. Tołta'a ti'ima tima'anle. Aiqui'ic'.

14.56 Axpela' lan xanuc' tuyout'lecoyi Jesús, ma le'a tifełaiqueyi. Anuli anuli, ituca' ituca' tinesqui. Aiqui'ic' anuli liłtaiqui' lonespa.

14.57 Oquexi' afantsi itsolinca uya'a'me ocuena lafełaiqueya, timiyi:

14.58 —İllanc' alcuejpa ĩque linespa, ticua: “İya' nulemma cateł'ma ĩta'a al cuecaj xoute' lilanc'epa lan xanuc'. Tuyaił'a afane' quitine İya' joupa ailanc'econapa ocuena. İe a'i quiłanc'e'e lan xanuc'.”

14.59 Ni ĩne nonespa aiqui'ic' anuli liłtaiqui'.

14.60 Itsahuenni cal cuecaj ca'ailli', icuis'e'ma Jesús, timi:

—İTe İma' aimotalai'ecoyacoxi? İTe onespa ĩle lataiqui', o aiconesqui?

14.61 Aiquitalai'e. Ailopa'a quitaliqui'. Cal cuecaj ca'ailli' icuis'econa'ma, timi:

—İTe İma' unCristo? İTe İma' i'Hua cal Paxi CanDios?

14.62 Jesús timi:

—Ma' İya'. İya' ĩque cal Xans Łiximpa cal profeta pu'hua lema'a. İmanc' ałsim'ma cacutsuya al c'a camane cal Cuecaj Rey. Ałsim'ma quimuyohuo lema'a, cacuaiyoconno łamats' nolojmay cummahuay lema'a.

14.63 Cal cuecaj ca'ailli' its'ał'ma lipijahua', imujpa lipoyac'. Aiquetenłcocojma locuapa Jesús. Timila' lixanuc':

—İtsiya, ĩte calahuecoyacola' ocuenaye lan xanuc' ticufle?

14.64 İmanc' olcuejpa lonespa. Etets'İpa ŁanDios. İTe colcuapa imanc'?

Jahuay icuxeco'me Jesús, ticuayi:

—Tİpa'a lijunac'. İTİma'anle!

14.65 Oquexi' afantsi İpango'me itsulco'me, İfi'e'eco'me İjahua' li'u', untafme li'a, İpa'me, timiyi:

—Tocua'ala', İnaitsi İpa'mo'?

Lepaluc' cal cuecaj ca'ailli' İpets'me camane jouc'a.

14.66 Pedro İpanenni al 'ocay, ticutsu łuna. Uyai'ma anuli ĩcriada cal cuecaj ca'ailli'.

14.67 İxim'ma Pedro tifununc'eyoxi jiłpe ĩunga. Ehuelojm'ma, timi:

—İma' jouc'a omihuequi cal xans łas Nazaret, ĩque Jesús.

14.68 Pedro İcuanajpa, timi:

—Aicaixina'. Aicaicueca lofnespa.

İpanni, ecax'ma pe lopa'a al puerta. İja'a'ma łangiti.

14.69 Łajcriada nopa'a jiłpe İxim'ma Pedro. İpalaic'o'mola' nacaxhuolanna, timiconala':

—İca'a anuli ĩniya ts'İlihuequi Jesús.

14.70 Pedro İcuanajcona'ma. Uyai'ma ni huata, ĩne nacaxhuolanna jiłpiya timiyi Pedro:

—İma' jouc'a mihuequi Jesús. İma' mas Galilea.

14.71 Pedro İpango'ma İ'e'ma jurar, timila':

—İya' camilhuo' al linca. Ja'ni a'i, İalma'ala' ŁanDios! İya' aicainimetsaijma ĩque cal xans łolpalaicopa.

14.72 Aiquicoł'ma, İja'acona'ma łangiti. Pedro İnujuaitsi İlimpa Jesús: “Aİ'a tİja'a'ma oquemma łangiti, İma' tones'ma afanemna: Aicainimetsaijma Jesús.” Li'nujuaitsi ĩle lataiqui' Pedro İjoj'ma.

15.1 Liłic'ejma lixanuc' cal cuecaj ca'ailli', lan tsilaj xanuc', lomxiye nomuc'iyalepa locuxepa ŁanDios jouc'a jahuay noxpıjpa lataiqui' İxpıc'e'me lo'e'eyacu Jesús. Aiquicoł'ma, İfi'e'me, İleo'me pe lopa'a

Pilato, ñque incuxepa romano. Jiñpe icu'me.

15.2 Pilato icuis'e'ma Jesús, timi:

—¿Ima' ñrey lan xanuc' judío?

Jesús italai'e'e'ma, timi:

—Al ñinca lofcuapa.

15.3 Lixanuc' cal cuecaj ca'ailli' icufme juaiconapa.

15.4 Pilato icuis'econa'ma, timi:

—¿Te ima' aimotalai'ecoyacoxi? Joupa ocuejpa. Ticufhuo' acueca' lo'epa.

15.5 Jesus aiquitalai'e. Pilato aiquixina' te cocuaya. Icuapa lipicuejma': "Ñca'a Jesús, ¿te aimitalai'e?"

15.6 Ajuic ajuic Pascua, Pilato ticu lane lan xanuc' tixahue'ete anuli ñitats'iya, tux'mas'ma.

15.7 ñta'a al juic tipa'a anuli ñitats'iya cuftine Barrabás. ñquiya i'noñinc'innila' jouc'a liyejmalepá. ñniya itsolimma ehuoc'huaipá cal gobierno romano. Ima'apá lan xanuc'.

15.8 Icuaita lan xanuc' pe lopa'a Pilato. Ixa'hue'me ti'ela' ma to mi'ay.

15.9 Pilato icuis'e'mola', timila':

—¿Nai ts'olpic'a? Imanc' unc'judío, ¿te cux'mas'ma ñolrey?

15.10 Toña'a licua'ma Pilato, imetsaicola' ñne lixanuc' cal cuecaj ca'ailli'. Ixina' te ts'i'ic' liñpicuejma'.

Ixina' ti'eyi laic' Jesús, tohiya joupa icupá.

15.11 Lixanuc' cal cuecaj ca'ailli' icuxe'me, imi'me lan xanuc' timiñe Pilato tux'masña' Barrabás.

15.12 Pilato icuis'econa'mola', timila':

—Ñque ñolacui'ipa ñrey, ¿te caife'eya ñquiya?

15.13 Ija'acona'me, italai'e'me, timiyi:

—i'Ñapañs'ijnla' ñancruz!

15.14 Pilato icuis'e'mola', timila':

—¿Te caifnepañs'ijncoya ñancruz? ¿Te quixcay qui'epa?

Ija'a'me ujfxi, timiyi:

—i'Ñapañs'ijnla' ñancruz!

15.15 Pilato ipic'a tetencocotsola' lan xanuc'. I'e'ma to lixa'hue'me. Ux'masna'ma Barrabás, icuxe'ma tipaloje Jesús. Epi'ipola' lan soldado tepañs'ijnta ñancruz.

15.16 Lan soldado ileco'me Jesús ñuna lejut'ñ cal gobernador. Jiñpiya ñuna cuftine al Pretorio. Jiñpiya efoñe'moñsi jahuary liñas soldado.

15.17 Itats'mi'me Jesús ñunxali cumi quijahua', ma to liñpijahua' lan rey. Ipuñme anuli al corona quitac, ic'ommoñi'i'me ñjuac Jesús.

15.18 Ipango'me inom'me, ija'a'me:

—i'Ñañonghuo', ima' ñrey lan xanuc' judío!

15.19 Tuntafe'eyi ñjuac ajaxa, titsuñc'oyi. Exc'onñingai'me.

15.20 Lijoupa lixocopa, ipa'e'e'me ñunxali cumi quijahua', itats'miconame ma lipijahua'. Ileco'me ipa'anca lema quiña', tepañs'ijnta ñancruz.

15.21 Miyeyi lane italecufme anuli cal xans cuftine Simón, ñas Cirene. ñque i'ailli' Alejandro jouc'a Rufo. Icuai'co'ma qui'huayonamma cal 'ec. Icuxe'e'me titaiña' ñancruz Jesús.

15.22 Icuai'etsa Jesús petsi cuftine Gólgota, luhuañquemma: ñamats' Quecoye.

15.23 Jiñpiya icufi'me al vino ihuantsi al mirra. Ja'ni tixña'la' aijtine mixingufcoya ñumla. Jesús aiquixnaic'.

15.24 Epañs'ingim'me ñancruz. Lan soldado ifilco'me lipijahua', nañsi nolijya. Anuli anuli tulij'ma locuaiya quimane.

15.25 Ixhuaita al peña 'hora lepañs'ijm'me Jesús ñancruz.

- 15.26 Ipo'nompá lacaxma loya'apa licuxecompá Jesús, ticua: “Hca'a ihrey lan xanuc' judío”.
- 15.27 Jesús epahts'ingimpola' oquexi' linma'ahuale. Anuli tipa'a al c'a camane, locuena loxa camane.
- 15.28 Ma tohta'a enancopá al Paxi Liniñingiya loya'apa: “Te'empá ma to lo'e'enyacola' lan xanuc' ni'epá lixcay”.
- 15.29 Lan xanuc' noyalaicopá jilpiya imiloj'me cataiqui', ife'ne'me hiñjuac, timiyi:
—Ima' lofmeteya al cuecaj xoute', tijouhta' afane' quitine joupa olanc'econapa,
- 15.30 ne', taimunni lomencruz. iTonhu'exoxi!
- 15.31 Lixanuc' cal cuecaj ca'ailli', jouc'a lomxiye nomuc'iyalepá locuxepa ñanDios ixoco'me, timiyotsti:
—Hque unhu'epola' locuenaye. Itsiya aimi'iya munhu'eyacoxi.
- 15.32 Illanc' ixanuc' Israel, ja'ni ihque ahrey, ja'ni aCristo, itimunni lencruz! Ahtinle illanc', tijouhta' lapenufme.
- Hniya lepahts'ingimpola' Jesús imiloj'me cataiqui'.
- 15.33 Li'i'ma menac'o imufc'o'ma jahuay lema'a. Ni petsi li'a lamats' tocomma ipuqui'.
- 15.34 Al fanej hora lummuhujma' Jesús ija'a'ma ujfxi, ticua:
—Eloí, Eloí, ¿lama sabactani?
Hiya lohualquemma ticua: “Ima' mainenDios, ¿te calacanujcopa?”
- 15.35 Timana' lan xanuc' nacaxolanna jilpiya icuej'me lines'ma Jesús, ihniya lines'me:
—iXinla! Tijoc'i cal profeta Elías.
- 15.36 Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nofe'ma lico Jesús, titsifla'. Hque cal xans ticua:
—iTole! Ahtim'me ja'ni ticuaihuo Elías, tipuhta'ma lencruz.
- 15.37 Jesús ija'a'ma ujfxi. Exnalif'ma, imana'ma.
- 15.38 Lijahua' lojujnya al cuecaj xoute' its'ahquenni quituca', al toncay itejmay lamats'. He lijahua' lipa'ne jilpe Lajut'l Xonca al Paxi.
- 15.39 Nocuxepola' lan soldado tecaxu anujnca lencruz Jesús, tehuelonge. Ixim'ma Jesús lima'ma ma mija'e' tohta'a. Ticua:
—Ma' ahnca ihca'a cal xans i'Hua ñanDios.
- 15.40 Timana' laca'no' tecaxolanna aculi', tehuelojnyi. Tipa'a María las Magdala, tipa'a María qui'máma' Jacobo y José. Hque Jacobo tecui'impá: ñijoujma. Jouc'a tipa'a laca'no' cuftine Salomé.
- 15.41 Mipa'a Jesús al distrito Galilea ihniya laca'no' ihuejpá Jesús, itoc'ipá, ites'mipá. Mañpiya tehuelojnyi Jesús mipa'a lencruz timana' locuenaye laca'no' jouc'a. Hne y Jesús anuli icuaiyunca Jerusalén.
- 15.42 He litine avispera. Lihuequi litine itine conxajya. Joupa ifacotaipa.
- 15.43 Anuli cal xans cuftine José, las Arimatea, i'hua'ma ixintsi cal gobernador Pilato. Hque José acuecaj xans, anuli pe ihniya nafot'lepohtsi noxpijpá lataiqui'. Hque i'huaijma ticuaitsi litine jahuay lan xanuc' tihuejcole ñanDios hiñCuecaj Rey. José i'e'e'moxi acueca' hunxajma'. Itsufai'ma pe lopa'a Pilato, ixahue'etsi tep'inañe licuerpo Jesús.
- 15.44 Pilato ticua: “Ma' imafi' Jesús, aiquimac”. Ijoc'i'ma nocuxepola' lan soldado. Icuis'e'ma ja'ni joupa imapa Jesús.
- 15.45 Nocuxepola' lan soldado timi: “Linca, joupa imapa Jesús”. Pilato epi'i'ma lane José tilecotsi licuerpo Jesús.
- 15.46 José ipuhta'ma licuerpo Jesús jilpe lencruz. Iju'eco'ma afujca quijahua' lilanc'ecompa alino, i'na'apa ats'e. Inicohuo'ma anuli hunts'eja', ipuc'o'iya lapic. Imefma anuli cal cueca' capic, ipa'neco'ma lico hunts'eja'.
- 15.47 María las Magdala, jouc'a María qui'máma' locuenaj José, ehuelojm'me pe lipo'no'enghuo'me

licuerpo Jesús.

16.1 Luyai'ma litine conxajya María las Magdala, María qui'máma' Jacobo, jouc'a laca'no' Salomé, iye'me i'natsa laceite tujuej c'a ti'huofita licuerpo Jesús.

16.2 I'i'ma quitine al te'a quitine al xamano. (Ihiya adomingo.) Tipammaiyumma cal 'ora, icuaita hunts'eja'.

16.3 Timiyotsti:

—¿Naiti laliconc'e'eyaconga' lapic leti'icoya lico cunts'eja'?

16.4 Lixim'me lico cunts'eja' ixim'me joupa ihonc'empa lapic, ipo'nompa jilpe anuli liju'. Ilique lapic juaiconapa acueca'.

16.5 Itsuflai'me hunts'eja', ixim'me al c'a camane ticutsu anuli lamijcano. Afujca lipijahua', axehuay. Ixpailij'mola'.

16.6 Lamijcano timila':

—Aimixpailij'molhuo'. Tolahueyi Jesús las Nazaret, maque lepahts'ingimpa. Ilque ailopa'a fa'a. Joupa imafinapa. iTolahuelongunca! Jifa'a lipo'no'empa licuerpo.

16.7 Imanc' tonleñe, tolu'itsola' ts'ilihuequi Jesús, jouc'a Pedro, tohtmitsola': "Jesús ti'hua'ma Galilea. Tohcuaitsa jilpiya tohtalecufta ma to limipolhuo'."

16.8 Laca'no' ipalunca hunts'eja'. Inul'me. Juaiconapa tixpailiquila', tiyula'. Nij naiti lu'ipa.

16.9 Jesús imafina'ma lihc'ejma' al te'a quitine al xamano, ihiya adomingo. Imuj'moxi ate'a María las Magdala, ilque laca'no' hipa'empa acaitsi lontahue.

16.10 Ilique i'hua'ma u'itsola' liyejmalepá Jesús. Ihiya tihuotsoyi, tijolijyi.

16.11 María timila':

—Jesús imafi'. Iya' aiximpa.

Ihiya aiqul'aic' linca locuapa.

16.12 Jesús imujcona'moxi pe lomana' oquexi' ts'ilihuequi. Jiñiya tiyeyi lane ticuaita cal 'ec. Imuj'moxi tocomma ipaicomma.

16.13 Iñe loquexi' ipailiconanca, licuaita pe lomana' lihpimaye, uya'a'me liximpa Jesús. Lihpimaye inescona'me: "A'ij linca".

16.14 Lijou'ma Jesús imuj'moxi pe lomana' limbamaj nuli ts'ilihuequi. Ihiya titetsoyi. Itale'mola' ihiya nonespá: "A'ij linca iñe loya'apa lahpmaye. Aiquimafi' Jesús." Ixim'mola' ata lihpicuejma'.

16.15 Jesús timila':

—Tonleñe ni peti li'a lamats'. Toluya'atsa Lataiqui' loya'apa iñe al c'a lixp'ic'epa LanDios. Tolu'itsola' jahuy lan xanuc'.

16.16 Iñe napenufyacu Lataiqui', tepoliñe, iñiya tunñul'me. Naiti aimepenufi Lataiqui', ilque tecani'ma.

16.17 'Tixinim'me al cueca' lo'eyacu iñe napenufyacu Lataiqui'. Tipa'a'me lontahue litsufalpa lan xanuc', tipalai'me ituca' lihtaiqui'.

16.18 Ja'ni ti'noñe lainofat' o tixnañe cafxi cummaiya ailopa'a co'e'eyacola'. Tixpayafme liñmane lafcualñay, iñe tixañcona'mola'.

16.19 Lijoupa limipola' tohta'a ca'Ailli' Jesús ifajna'ma lema'a. Jiñpe icutsingaiti al c'a camane LanDios.

16.20 Ts'ilihuequi Jesús ipalunca. Ni peti uya'atsa Lataiqui', iñe loya'apa al c'a lixp'ic'epa LanDios.

LanDios liyejmalepa, i'e'ma acueca'. Tohta'a imuc'i'mola' lan xanuc' alinca Lataiqui' loya'apa ts'ilihuequi Jesús.